

四庫全書

集部

欽定四庫全書

集部

徐孝穆集箋註卷五

詳校官左都御史_臣李綬

檢討_臣何思鈞覆勘

總校官降調編修_臣倉聖脉

校對官編修_臣勵守謙

卷錄監生_臣陳繼豫

欽定四庫全書

徐孝穆集箋注卷五

陳 徐陵 撰

吳江吳兆宜注

東陽雙林寺傳大士碑

夫至人無已屈體申教聖人無名顯用藏迹故維摩詰

降同長者之儀

維摩經毗耶離城中有長者名維摩詰

文殊師利現儒生

之像

宣律師住持感應傳佛告文殊師利及四天王等教初流住彼汝文殊師利分身變為國王金剛齊

菩薩分身為大臣金剛撞落薩分身為此邱汝等三大士共流通我教

提河獻供之旅王

城列衆之端

見長干寺碑

抑號居士

師子月佛本生經比邱名蓮華藏多與國王長

者居士而為親友

時為善宿

成實論八戒優婆塞者此言善宿男

大經所說

智度論有

梵志名長爪言十八種大經盡欲讀之

當轉法輪

釋道安西域志波羅祭斯國佛轉法輪處

大

品之言皆紹尊位

法苑珠林晉周閔家有大品一部以半幅八丈素反覆書之

斯則

神通應化不可思議者乎

法苑珠林諸德釋云世界初成昔古遺迹相似而現並是

佛之神力變化所為故五不可思議中一是佛神力也

東陽郡烏傷縣雙林寺傳

大士者即其縣人也

翻釋名義集安羅樹東西南北四方各雙故曰雙樹方而悉皆一榮

一枯 昔巖谿蘊德渭浦呈祥天賜殷宗誕興元相

書說命夢帝賚

予良弼俾以形旁求于天下說景侯佐命樊滕是埒漢書

傅寬景侯與樊噲夏介子揚名甘陳為伍漢書傅介子與甘延

壽陳湯俱立功西域東京世載西晉重光惟是良家降神攸託若

如本生本行或示緣起十佛因緣經梵王言我見辟支佛受持五戒以戒齋法當行十

善觀諸緣起按佛子長子雲自敘元系漢書司馬遷字子長揚雄字子

雲俱有自敘則云補處菩薩仰嗣釋迦法王真子是號彌勒

大悲經佛告阿難我為第四次復彌勒當補我處釋迦
譜善慧菩薩功行滿足位登十地生兜率天一生補處
名聖善白為諸天師瑜伽論若諸國王任持正法名為
法王佛在金棺敬福經若受約教是佛真子賢愚經婆

羅門家生一男兒字曰彌勒法苑珠林西雖三會濟濟
云釋迦此云能仁西云彌勒此云慈氏

華林之道未孚

賢愚經彌勒出家學道成最正覺三會
說法得蒙度者悉我遺法種福衆生皆

得在彼三會之中頌曰提
此四人姿映蔚華林園

千尺巖巖穰佉之化猶遠

彌勒

下生經身長十尺圓光二十丈真諦師傳彌勒佛出
世時須達為穰佉國大臣名須達多此園地還廣一由
旬純以七寶徧滿布地奉施如來
起為佳處梵語穰佉此云貝但分身世界濟度羣

生

雜寶經佛法寬
廣濟度無涯

機有殊源應無恒質自序因緣大宗

如此按停水經云觀世音菩薩有五百身在此閻浮提

地

長阿含經南方天王名毗瑠璃此云增長
主領鳩槃荼及薜荔神將護閻浮提人

示同凡品

教化衆生彌勒菩薩亦有五百身在閻浮提種種示現

利益衆生故其本迹難得而詳言者也爾其烝烝大孝

肅肅惟恭厥行以禮教為宗其言以忠信為本加以風

神爽朗氣調清高流化親朋善和紛諍

維摩經善和諍訟言必饒益

豈惟更盈毀壁

未詳

宜僚下丸而已哉

莊子徐無鬼篇市南宜僚弄丸而兩

家之難釋

至如王戎吏部

晉書王戎叢父爵辟相國掾歷吏部黃門郎散騎常侍

鄧禹

司徒

後漢鄧禹傳光武即位於郾使使者持節拜禹為大司徒禹時年二十四

同此時年有

懷棲遯仍隱居松山雙林寺棄捨恩愛非梁鴻之並遊

見荅周處士書拜辭親老如蘇耽之永別神仙傳蘇耽郴縣人少孤養母至孝忽辭

母云受性應仙當違供養母曰汝去使我如何存活曰明年天下疫疾庭中井水蒼邊獨樹可以代養至時病

者食橘葉飲井水愈自修禪遠壑婆娑論人趣中絕粒長齋樊法

獸那羯磔迦國屬南印度都城東西據山間各有大寺其寺有婆毗吠迦論師於觀自在菩薩絕粒而服水三

年立志祈請待見彌勒菩薩非服流霞抱朴子項曼卿修道山中自言至天上遊紫府遇仙人與

流霞一杯飲之輒不飢渴若餐朝沆司馬相如大人賦吸沆瀣餐朝霞列仙傳陵陽子春餐朝霞夏

食沆太守王休言其詭詐乃使邦佐幽諸後曹迄至兼

旬曾無假疑作食增一阿含經有四種食諸入於是州

段

口

之物

可食

嗽者

是謂

段食

於是

州

鄉媿伏

漢法本內傳明帝置佛舍利及經放火燒經並成煨燼道士等大生媿伏佛之舍利放五色光

上空如蓋

遠邇歸依

師子月佛本生經比丘即為彌猴說三歸依

逃迹山林

集一切福德三昧經昔過去久遠阿僧祇劫有一肆行仙人住山林中名曰最勝具五神通常行慈心

蘭若

華嚴經願一切衆生常安居止阿蘭若處寂靜不動又釋氏要覽梵言阿蘭若此言空靜又自

序云七佛如來十方並現

觀佛三昧經毗婆尸佛尸素佛毗舍婆佛拘留孫佛拘那

含牟尼佛迦葉佛釋迦牟尼佛七佛身並紫金色

釋尊摩頂

法苑珠林第三身心恭敬禮者聞唱

佛名便念佛身如在目前手摩其頂除我罪業

願受深法

華嚴經有諸法師得勝妙法大乘深法

每至槌槌應叩

增一阿含經佛告阿難汝今連擊槌推釋氏要覽梵云槌槌此云鐘磬法

鼓裁鳴

華嚴經普為衆生拏法鼓

空界神仙共來行道

菩薩處胎經上方七十二

億空界菩薩亦

其外人所見者拳握之內或吐異香

婆娑

來雲集入胎中

論帝釋欲遊戲時伊鉢羅龍

胃臆之間乍表金色

宗門統要

王背上自然有其香手現

世尊於涅槃會上以手摩胸告衆云汝等善觀吾紫磨金色之身

時有信安縣

隋書東陽郡領

信安縣

比邱僧朔與其同類遠來觀化未及祇肅忽見大

士身長丈餘朔等驚慙相趨禮拜虔恭既畢更覩常形

又有比邱智勰優婆夷錢滿願等伏膺累載頻覩異儀

或見脚長二尺指長五寸餘兩眼光明雙瞳照耀皆為

金色並若金錢

阿育王經阿育王夫人產生一女一 手常卷掌中有一金錢隨取隨生 譬

李老而相侔

老子志畧老子一名李耳兩目日光方腫綠筋

同周文而等狀

孟子

文王十尺

姜嫄所履

詩疏姜嫄履大人迹

天步可以為儔

詩天步艱難

河流

大履

祖沖之述異記苻健皇始中津監寇登於河中流得大履一隻長七尺三寸足迹稱履指長尺餘文

深七寸

神足宜其相比

興起行經辟支引空七反回旋飛還時城內人見此神足舉國歡喜

支郎之彥既恥黃睛

海錄碎事魏高僧支謙博覽經籍兩眼多白而睛黃時人謂曰支郎

眼中黃形軀雖細是智囊 瞿曇之師

涅槃經迦毗羅城有釋種子字悉達多姓瞿曇氏

有慙

青目

寶女經如來腫子如紺青色

既而四空妙定

大寶積經菩薩至於空處脩習四禪

熏脩已成

江總集香贊曰熏脩福田

八解明心

菩薩本行經今最後身值釋迦佛捨豪出

家得阿羅漢三
六通具八解脫

莊嚴斯滿

法苑珠林三十相徵妙莊嚴

時還鄉黨

化度鄉親俱識還源並知回向

法苑珠林回向者回諸福德向無上道

或

立捨鬚髮如聞善來

百緣經佛告善來鬚髮自落法服著身便成沙門

大傾財

寶同脩淨福

維摩經憶所脩福念於淨命

大士熏禪所憩

婆娑論生彼天者要

是進向那舍身得四禪發於無漏起熏禪業方是得生凡夫無此熏禪業故不得生也

獨在高巖

爰挺嘉木是名擣樹擢本相對似雙槐於夾門

晉潘岳詩綠槐

夾門植

合榦成陰類雙桐於空井

魏文帝詩雙桐生空井

厥體貞勁

無爽大年

莊子小年不及大年

置霜停雪寒暑葱翠

晉左思吳都賦綠葉翠莖

冒霜停雪

信可以方諸堅固

梁元帝阿育王像碑云始遊羅衛便居堅固之林

譬彼

娑羅

涅槃經我於此娑羅雙樹大師子吼者名大涅槃

洹處雙樹及喻今無復有也此樹名娑羅樹其樹華名娑羅法也此華色白如霜雪香無比也既見守

於神龍

括地圖龍池之山多五花樹羣龍食之

將為疑於變鶴

神境記榮陽郡南有

石室室後有孤松千丈常有雙鶴晨必接翻夕輒偶影傳曰昔有夫婦二人俱隱此室年既數百化成雙鶴

乃於山根嶺下創造伽藍

過去因果經諸僧伽藍中竹園僧伽藍最為其始釋氏要

覽梵語題云僧伽藍摩此云衆園

因此高柯故名雙林寺矣

按傳大士傳云大士

捨宅於松下建寺
因以樹名雙林
大士亦還其里舍貨買妻兒營締支

提地持論菩薩供養如來略說十種二支提供養若苦
薩為如來故供養優婆塞若舍若故若新是名支

提供養
銳曰僧祇律云有舍
利者名捨無舍利者名支提
善寫尊法
隨願往生經
歌贊三寶讀

誦尊
常以聚沙畫地皆因圖果
大威德陀羅尼經佛告
阿難譬如有大沙聚將

一滴水潤此沙聚可令徹過如一婦人以千數丈夫受
欲果報不可令其知足也百緣經佛將比丘入城乞食

逢一婆羅門以指畫地與我五百金錢爾乃聽過須達
長者即與金錢五百乃聽佛言過去善生太子路

逢一人共輔相子憍彌博戲時輔相子負彼戲人金錢
五百太子語之我當代償彼太子者我是輔相子者須

達是戲人者婆羅門是凡負債者
不可不償乃至成佛不脫此難
芥子菴羅無疑徧陋

大悲經世尊告阿難我滅度後若有人乃至供養我之
舍利如芥子等恭敬尊重謙下供養有孝曰小未曾
有經佛般涅槃後以如芥子舍利起塿大如菴摩勒果
其剎如鍼上施槃蓋如酸棗葉若佛形像如翹麥大功
德滿足百倍法顯記菴婆羅女家為佛起塿樹敏曰
闍義云菴羅是果樹之名其果似桃此樹華開生一女國
人歎異以園封之園既屬女故言菴羅樹園宿善
冥熏見佛歡喜以園奉佛佛即受之而為所住乃起

九層磚塿

華手經若是塿廟毀壞當加脩治若塊若泥乃至一磚

形相巍然六時

虔拜

龍樹十住論菩薩晝夜各有三時於此六時禮拜十方諸佛懺悔勸請隨喜回向

巡繞斯

託又以大乘

洛陽伽藍記神龜四年太后遣崇靈寺比丘慧生向西域取經凡得一百七十部皆

是大乘
妙典

方等靈藥寶珠

大志經大志至年十七為衆生故發意入海取明月寶珠以濟

衆生眷言山谷希得傳寫龍鄉思其燒照

後漢郡國志泰山郡有龍鄉城

象駕之其流通

傳燈錄水中龍力大陸中象力大故負荷大法者比之龍象

復造五

時經典千有餘卷與夫鬻子而葬同其至誠

家語孔子聞婦人哭

聲謂顏淵曰此非獨喪哀又有離別之苦問之果然父死賣子以葬

嫁妻而隱無殊高節

晉書許邁遣婦孫氏還家後改名玄徧遊名山莫知所終

若寄搏麪

阿育王經佛在時入王舍城

乞食見二小兒一名德勝二名無勝以土為麪著於倉中見佛相好德勝歡喜掬倉中土名為麪者奉上世尊

緣是善根佛般涅槃一百年後作轉輪王王閻浮提

如因賣花

過見因果經普光佛出興於世爾時

善慧仙人欲訪花所忽遇瞿夷持花七莖畏王制令藏著餅中善慧至誠感花踊上追呼就買此女答言當送

內宮欲以上佛善慧告言五百銀錢雇五莖花欲以獻
佛瞿夷即曰我今當以此花相與願我生生常為君妻
善慧答言我脩梵行求無為道不
得相許生死之緣詳諫罷道書
共詣菩提阿育王經
如來大覺

於菩提樹下覺諸法

方成親眷

大藏一覽佛告諸比丘言然燈如
來出興世時善慧仙人豈異人乎

即我是今此人之中迦葉兄弟及其
眷屬十比丘是賣花女者今耶輸是
至如有相無相之

懷

法苑珠林毘法師云依如西域釋迦一代說法總有
三時第三時中為大行菩薩雙說有相無相法為破

有相無相法令悟
中道究竟圖教

虛已虛心之德化難在臂方推理於

自然

莊子子輿曰浸假而化予之左臂以為難子因以
求時夜樹敷曰按佛本行經爾時太子具報使

人令王深信因
果不信自然

毒蛇傷體終無擾於深定

佛本行經畢
鉢羅耶童子

與跋陀羅女為夫婦同脩梵行周歷年載終不同寢此
女既睡一手垂地忽有一蛇而夫畏彼蛇螫其手即衣
裏手擎於婦臂安放牀上後同投佛出家道宣律師住
持感應記佛告文殊汝取我法角黃金為釧至彼比丘
所吹我出世曲及起深定曲門徒肅肅學侶誦誦通彼慈悲觀佛三昧經如

來功德慈
悲無量

義無偏黨

書洪範無偏無黨

大通元年縣中長宿

雜寶

藏經恭敬父
母者長宿老

傅普通等一百人詣縣令范胥連名薦述

又以中大通四年縣中豪傑傅德宣等道俗三百人詣

縣令蕭詡具陳德業夫以連城之寶照廡之珍野老怪

而相捐工人迷而不識

魏文帝送王珣書價越黃金貴重連城尹文子魏田父有耕於

野者得玉以告隣人隣人詐之曰此怪石也田父置於
廡下光照一室怖而棄之隣人以獻魏王名玉工相之

工曰五城之都僅可一觀胥等體有流俗才無鑒真亟欲騰問終成

虧怠梁高祖武皇帝紹隆三寶大寶積經菩薩脩定後有十法十脩定能興正

法紹隆三寶弘濟四生法苑珠林廣興迹冠優填觀佛三昧

王遙慕世尊鑄金為像是眾像之始也神高仙豫毗曇說仙譽國王殺五百婆羅門生地獄中發

生信心生甘露國夫以陳蕃靜室猶懷天下之心後漢陳蕃傳蕃常處一室

而庭宇蕪穢曰大伊尹躬耕思弘聖王之道見與宗況

我有慧日明炬文選王少頭陀寺碑注慧日喻明也法華經世尊以智慧為燈炬如風

寶車

華嚴經如風無所礙

濟是沉舟能升彼岸

智度論若能不退成辦佛道名到彼

岸涅槃經彼岸者喻如來也

固宜光宣正法

菩薩本行經釋迦佛如來滅後正法住世五百

歲像法住世

影響人王者乎

新翻大般若經擁護天王及人王等令護正法久住

世於是以前大通六年正月二十八日遣弟子傳睚出

都致書高祖其辭曰雙林樹下當來解脫

法苑珠林三乘名義解脫

體同善慧大士白國主救世菩薩今條上中下善希能受

持其上善以虛懷為本不著為宗

法苑珠林由上界樂行寂滅不著不能發

起麤貪恚瞋故名無苦無樂

妄想為因涅槃為果其中善以治身為

本治國為宗天上人間果報安樂

雜寶藏經況其果報豈可量也

其下

善以護養衆生勝殘去殺普令百姓俱稟六齋

涅槃經年常三

長月恒六齋菜蔬節味

夫以四海之君萬邦之主預居王土莫不

祇肅爾時國師智者法師與名德諸衆僧等言辭謹敬

多垂釋迦之書

佛本行經太子復詰蜜多阿闍黎言此書凡有六十四種未審尊者欲教我何

書文牒卑恭翻豫山公之啓

晉書山濤在典選甄拔人物各有題目奏之時稱山

公啓事大士年非長老

禪門規式西域人凡稱人道老臘長呼為須菩提如中國凡具道眼

有可尊之德者號曰長老也

位匪沙門

後漢書佛慈心為主不殺生類專務清靜其精進者號為

沙門漢言息心蓋息意去欲以歸無為也通疏乘輿過無虔恪京都道俗莫

不嗟疑睚至都投太樂令何昌并有弘誓誓在御路燒

其左手以此因緣希當聞達昌以此書呈同泰寺僧皓

師師衆所知識名稱普聞見書隨喜勸以呈奏皇心歡

悅遽遣招迎來謁宸闈亟論經典同泰寺前臨北闕漢書

蕭何治未央宮立東闕北闕前殿密邇南宮有孝曰杜田正謬云漢建尚書百官府名曰南宮

仍請安居備諸資給見長干寺碑後徙居鍾山之下定林寺

遊巖倚樹見諫罷道書宴坐經行百緣經鸚鵡王見佛比丘寂然宴坐甚懷喜悅

敏曰付法藏經迦葉語婦我若眠
息汝當經行汝若眠息我當經行

京洛名僧

樂府有煌煌京洛行

學徒雲集莫不提函負帙問慧諮禪居蔭高松卧依磐

石於是四徹之中恒泣甘露

穆天子傳天子北征至於羣玉之山河平無險四徹

中繩先王所謂策府普曜經太子滿十月已臨產之時先現瑞應三十有二十三諸天玉女持萬金餅盛甘露住虛空中六旬之內常雨天酒
正法念經彼夜摩天男共天女中入池游戲同飲天酒

豈非神僊影響示現禎祥者乎帝於華林園重雲殿自

開講三慧般若經窮須臾之所問

佛性論要須真實利益衆生先自調伏

御法勝之高堂

起世經三十三天集會坐時於中惟論細微善語深義稱量觀察皆是世間諸

勝要法真實正理是以諸天稱為善法堂北宮百千

龍像

阿育王經昔阿恕伽王以金鑄作龍像及以王像以秤稱之尚瓊曰道宣律師感應記又告婆竭

龍王汝可化身為八萬四千黃金圍繞餐聽增一阿含

龍像頭用七寶成身以黃金作之前後圍繞黑貂朱紱史記蘇秦傳黑貂之裘敝易朱紱方來王侯滿筵國

華民秀

國語季文子曰吾聞以德榮為國華王制命卿論秀士升之司徒曰選士公卿連席

乃令大士獨榻對揚天宸

書說命敢對揚天子之休命

并遣傳詔及

宣傳左右四人接受言論爾時納揆之於臺內

舜典納于百揆

百揆時敘司隸之在殿中杜預還朝

晉書平吳之後徵杜預為司隸校尉加位特進

馬防親貴

後漢馬防傳防貴寵最盛與九卿絕席

舊儀縣席皆等庶僚以

大士絕世通人故加其殊禮矣及玉輦升殿

范蔚宗後漢興服志

天子五路以玉為飾

雲蹕在階

崔豹古今注秦制出警入蹕謂出軍者皆警戒入國者皆蹕止也謝

朏詩十載朝雲陸文陶潛集聯句惜之曰雲駕庶可飭

晏然箕坐

漢書郭解出人皆避一人獨箕

踞視曾不山立

樂記總干而山立

憲司譏問愈見凝峙但荅云法

地若動則一切法不安應對言語皆為爽異昔漢皇愛

道樂大不臣

漢郊祀志封樂大天道將軍令衣羽衣立白茅上受印以示不臣

魏祖優

賢楊史如客

魏志文帝引楊彪待以客禮

河上之老輕舉臨於孝文

神仙傳河上公不知其姓氏結草為
卷於河湄讀老子漢文帝駕往詣之嚴子之高閒卧加

於光武

後漢逸民傳太史奏客星犯帝座
帝笑曰朕故人嚴子陵共卧耳

方其古烈信

可為儔帝又於壽光殿獨延大士講論玄蹟言無重頌

彌陀疏鈔梵語祇
夜多此云重頌

句備伽陀

祖珽事苑梵言
伽陀此言諷誦

音會宮商

義兼華藻豈惟寶積獻蓋文成七言

維摩經云寶積與
五百長者子俱持

七寶蓋來詣佛所佛之威力令諸寶
蓋合成一蓋徧覆三千大千世界

釋子彈琴歌為千

偈而已

長阿含經父王聞四子端正曰此真釋子也雜
阿含經過去世時拘薩羅國有彈琴人名曰鹿

牛有六廣大天宮天女來至拘薩羅國鹿牛彈琴人所
語言為我彈琴我當歌舞天女於歌頌頌中自說所以

生此因緣彼人即便彈固非論經於白虎之殿
後漢丁琴彼六天女即便歌舞

字孝公肅宗詔鴻論定五經同異於應詔於金馬之門

白虎觀時人語曰殿中無雙丁孝公漢書東方朔待詔金馬門說義雲臺
後漢逸民傳周黨伏而不謁博

國之道下考試圖
受釐宣室
賈誼傳上方
受釐坐宣室
可同年而語哉自火

運將終民無先覺雖復五胡內鼎蒼鵠之兆未萌
晉五行志

懷帝永嘉元年二月洛陽東北步廣里地陷有蒼白二
色鵠出蒼者飛翔冲天白者止焉董養曰步廣周之秋

泉盟會地也白者金色國之行也蒼
為胡象是後劉淵石勒相繼亂華
四海橫流夷羊之

牧匪現
汲冢周書度邑解惟天不享於殷發之未生至
於今六十年夷羊有牧飛鴻過野
樹敏曰淮

南子本經訓夷羊在牧許慎曰夷羊
土神商之將亡見於商郊牧野之地
大士天眼所照預

覩未來

雜寶藏經羅漢道人尋即入定以天眼觀

摩掌之明夙鑒時禍

法苑珠林

竺佛圖澄西域人時石勒與劉曜相拒構隙以問澄澄曰可禽耳麻油塗掌令視見之曜被執朱繩縛肘後果

獲之如掌所見

哀羣生之板蕩泣世道之崩淪救苦為懷大悲

為病誓欲虛中閉氣

法苑珠林晉長安有沙公者西域人虛靖服氣不食五穀日能行五

百識食為齋非服名香

正法念經餓鬼大數有三十六種十四食香鬼法苑珠林宋釋

慧益廣陵人憩竹林寺積勤苦行惟食香丸

但資禪悅

起世經閻浮提人等飯麩豆肉等名為麤

段食按摩澡浴拭膏等名為微細食自外三州及六欲諸天等並以麤微細為食自此以上色界無色天並以禪

悅法喜
為食

方乃燒其苦器

涅槃經身為苦
器憂畏無量

製造華燈

摩耶
經龍

樹善設法要滅邪
見幢然正法燈

願以此一光明徧照十方佛土

因果
經無

量諸天作諸伎樂燒眾名香散天妙華
隨菩薩滿虛空中放大光明普照十方

勸請調御

寶性
論為

六種人故說三寶一調御師
二調御師法三調御師弟子

常住世間救現在之兵災

劫中世界經二十小劫中
間有小三災二曰兵刀災

除當來之苦集

長阿含經
諸比丘欲

求光明者當求
苦集滅道光明

於是學眾悲號山門踊叫弟子居士徐

普拔潘普成等九人求輸已命願代宗師其中或馘首

而刊鼻或焚臂而燒手善財童子重睹知識

華嚴經彌
勒領無量

諸大菩薩從他方來彈指一聲闍門遂開善財即入入已即閉善財見一樓閣中皆有彌勒一一彌勒前皆有善財一一善財悉皆合掌回顧詳答求官人書忍辱仙人是馮相輩新婆娑論過去此賢

劫中有王名羯利時有仙人號為忍辱住一林中勤脩苦行仙人便伸一臂王以利劍斬之王復命伸一臂即復斬之次斬兩足復截兩耳又割其鼻史記傳斯傳陽陵侯傳寬注引地理志云馮相陽陵縣大士乃延

其教化更住閻浮

見長干寺碑

弘訓門人備行衆善於是弟

子居士范難陀弟子比丘法曠弟子優婆夷嚴比丘各

在山林燒身現滅次有比丘寶月等三人窮身繫索挂

錠為燈

說文錠謂之燈呂靜韻集無足曰燈有足為錠

次有比丘慧海菩提等

八人燒指供養

法華經能然手指乃至足一指供養佛
瑜勝以國城妻子及三千大千國王珍

寶而供養者

次有比丘尼曇展慧光法纖等四十九人行不

食齋法次有比丘僧拔慧品等六十二人割耳出血用

和名香奉依師教並載在碑陰書其名品夫二儀大德

所貴曰生

紫辭易有太極是生兩儀又天地之大德曰生

六趣含靈所重惟命

婆娑論六趣之中能止息意故名為人

雖復夢幻影響同歸摩滅

諫王經世間榮

位如幻如夢不可久保付法藏經縱使富貴如天終歸磨滅

愛使情迷惟貪長久

法苑

珠林龍樹菩薩捨離欲愛出定為道老子天長地久

自非善巧方便漚和含羅

見長

千寺 照以慈燈

梁陸倕誌法師墓志銘曰慧雲晝歇慈燈夜昏

雷其妙藥

付法藏經

法是妙藥能愈結病

豈或捨不賢之軀而能行希有之事

大品經若我聲

聞弟子之中欲行第一希有之事者當為世間廣宣如是大乘經典

若令割身奉鬼聞半

偈於涅槃

涅槃經佛言我念過去作婆羅門在雪山中脩菩薩行時天帝釋即下試之自變其身作

羅刹像住菩薩前口說半偈云諸行無常是生滅法菩薩即語羅刹但能具足說是偈竟我當以身奉施供養

賣髓祠天能供養於般若

雜譬喻經噉人王曰吾本捕人當持祠天已得四百九十

九人今得卿一人其數已滿殺以祠天汝何不懼國王對曰旦出宮時路逢道人為我說偈即許施物今未得

與以是為恨今工弘慈寬恕假日施訖還來不敢違要也

理當剗心靡吝

千佛因緣經雪山中

有婆羅門名牢度跋提。白夜叉言：「我今不惜心之與血，即持利劍破胃，出心與之。」**擢骨無疑。**

者乎？

彌勒所問本願經：「往過世有王太子號曰蓮華王，見一人身體病癰，口得王身髓以塗其身，其病乃愈。」

太子即破身骨以得其髓，持與病者。

大士小學之年不由黌舍

曲禮人生

十年曰幼學。漢儒林傳：「序武帝時，太學生徒動至數萬，郡國賞舍悉皆充滿。」

大成之德自通

墳典

學記：「九年知類通達，強立而不反，謂之大成。」左傳：「左史倚相趨過，王曰：『是能讀三墳五典八索九邱。』」

安禪合掌

惟無三昧，經人求道。安禪先當斷念，善現論：「禮佛時應繞三匝三拜，四方作禮，合十指掌。」

又手於頂，卻行而行。

說偈論經

三千威儀云：「出家人所作業務，一者坐禪，二者誦經，法三者勸化衆。」

事滴海未盡其書

大悲經：「如來滿時，知彼水滴在大海中，見知住處不與衆水共相和雜，不」

增不減平等如故又滴水者喻一發心
微少善根大海者喻佛如來應正偏知
懸河不窮其義

晉書王衍曰郭象清
言如懸河久而不竭
前後講維摩思益經等比丘智瓚

傳習受持所應度者化緣既畢
新翻大阿羅漢難提蜜
多羅所說法住記化緣

既畢將
歸涅槃
以大建元年朱明始獻
見為陳武帝書
奄然右卧
法苑珠林

經云仰卧者是脩羅卧伏地卧者是餓鬼卧左脅卧者
是貪欲人卧若右脅卧者是出家人卧
鶴齡曰中阿

舍經如來爾時將詣雙樹四襲鬱多羅僧以為施
坐僧伽梨為枕右臂而卧足足相累而般涅槃
將歸

大空
觀佛三昧經有王名曰雜寶華光子名快見
和尚為說甚深般若波羅蜜經大空之義
二句

初滿三心是滅
見長干寺碑
爾時隆暑
晉潘岳射雉賦
時暑忽隆熾
便已

赫曦

李顯悲四時賦
悲炎節之赫曦

屈伸如常溫暖無異洗浴究竟扶

坐著衣色貌數渝光彩鮮潔爰經信次

詩疏一宿曰宿再宿曰信

宛

若平生烏傷縣令陳鍾者即往臨赴猶復反手傳香

宣道

律師住持感應記十方諸佛各手捻香付彼爐中

皆如疇昔若此神變無聞前

古雖復青牛道士

漢武內傳封君達號青牛道士有病死者以竹管中藥與服皆愈

白

馬先生

未詳

便遁形骸本慙希企若其滅定無想彈指而

石壁已開

獎法師傳妻毗吠伽論師執金剛神所誦金剛咒咒芥子擊於石壁豁然洞開時有百千

萬衆觀睹驚歎論師跨門再三顧命衆人唯有六人從入論師入已當即石門還合如壁

炯曰華嚴經又法

界品爾時善財童子敬繞彌勒菩薩合掌白言惟願大
聖開樓觀門令我等入彌勒菩薩即彈右指門自然開
善財即入法王在殯申足而金棺猶啟傳燈錄佛滅後
入已還閉有第一祖迦葉
至雙林樹間號泣佛
於金棺內現雙足 非斯矣莫與為儔遺誠於雙林山

頂如法燒身一分舍利

法苑珠林舍利者西域梵語此云骨身舍利有三種一骨舍利

色白二髮舍利色黑三肉舍利色赤若佛舍利椎打不破若弟子舍利椎擊便破

起塋於冢一

分舍利起塋在山又造彌勒像二軀置此雙塋莫移我

眠牀當取法猛上人織成彌勒像永安牀上寄此尊儀

見諫罷道書

以標形相也

賢愚經此袈裟乃是三世聖人標相

於是門徒巨痛

遂爽遺言用震旦之常儀

華嚴經震旦國有一住處名那羅延窟從昔已來諸菩薩

衆於中止住法苑珠林東夏九州名西域為天竺者是總名也或云身毒如梵稱此方為脂那或云真丹或

作震旦此蓋承聲有楚夏耳

乖閣維之舊法

大悲經迦葉以已身火閣維其身閣維身已灰

炭不現挺曰法苑珠林髮爪兩瘡衣影二臺皆是如來在世已見成軌自收迹河遙閣維林外八王請分還

國起塏及鉗炭二所於是十刹興焉

四部皆集

法苑珠林賓頭盧往西瞿耶尼教化四衆廣宣佛法

閻浮提四部弟子思見賓頭盧佛聽還國

悲同白車

傳燈錄法達念法華經三千部禮祖不投地六

祖曰無念念即正有念念成那有無俱不計長御白牛車

七衆攀號

圓覺經比丘比邱尼式叉摩那

沙彌室羅末尼此出家五衆優婆塞優婆夷此在家二衆此七衆也

哀踰青樹

梁元帝集內典碑銘

欽定四庫全書

徐孝穆集箋注
卷五

十八

集林序曰白林
將謝青樹已列

弟子比邱法璿菩提智璿等以為伯陽

之德貞桓紀於賴鄉

史記老子姓李名耳字伯陽楚國
苦縣賴鄉人續漢書桓帝夢老子

今中常侍左官於賴鄉祀之詔陳相邊韶立祠
兼刻石金石錄苦縣老子銘舊傳蔡邕文并書

仲尼之

道高碑書於魯縣

祀應記孔子廟列七
碑無像檜柏猶茂

亦有揚雄弟子

漢揚雄傳雄卒侯邑
為起墳喪之三年

鄭玄門人

後漢鄭玄傳玄卒門生
相與撰玄荅諸弟子問

五經依論語
作鄭志八篇

俱述清猷載刊玄石

水經注杜預曰梁國
蒙縣北有薄伐城城

中有成湯冢今城內有故冢方墳疑即杜元凱所謂湯
冢者也而世謂之王子喬冢其後有人著大冠絳單衣
杖竹立冢前呼米薪孺子伊永昌曰吾王子喬也勿得
取我墳上樹也忽然不見國相東萊王璋以為神聖所

興必有銘表乃與長史邊乾遂樹之玄石紀頌遺烈於是祈聞兩觀何休曰天子外闕兩觀

冒涉三江

書禹貢三

爰降絲綸

禮記王言如綸

克成豐琰

陵雖不敏夙仰高風輕課庸音乃為銘曰

大矣權迹勞哉赴時或現商主

佛本行經難尸馬王即我身是五百人中商主

者即舍利弗是五百商人即刪闍耶波離婆闍迦諸弟子等五百人是

耶為國師卑同巧匠

增一阿含經優填王敕國出巧匠會以牛頭栴檀作佛供養晨夕禮拜

屈示良醫

智度論菩薩不

應遠離諸佛譬如病苦不離良醫

猗與開士

法苑珠林開士應真導揚末教

類此難思

當來解脫克紹迦維

善曜經佛兜率天降神於西域迦維衛國淨梵王宮摩耶夫人剖右

欽定四庫全書

徐孝穆集箋注

十九

脅而生 兆騫曰因果經太子身黃金色三十二色放
大光明普照三十大千世界迦維羅衛國三十日月萬

二千天地 妙道猶秘 法苑珠林邪惑問方外對曰機緣
之中央也 捨摺紳之容亦何傷於妙道

未適

智度論佛成道已不即說法於五
十七日今檢括機緣然後說法

弗降雞頭

法苑珠林

昔天竺雞頭摩寺五通菩薩往安樂界請阿彌陀佛安
婆衆生願生淨土無佛影像願力莫由請垂降許佛言

汝且往去 寧開狼迹 摩耶經摩訶迦葉於
尋當現彼 狼迹山中入滅盡定 北地爰徙東

山攸宅族貴泥陽宗分蘭石

魏志傳 魏人傳介子之後也

莫測其本徒觀其迹邈有蒲塞心冥世雄明宣苦苦

法

喻經佛言天下之苦莫過有身身
者衆苦之本離世苦本當求寂滅 妙鑒空空

孔稚圭北
山移文談

空空於
釋部

汲引三界

自誓三昧經三界一欲
界二色界三無色界

行藏六通

華嚴

經六通一天眼二天耳三地
心四宿命五神足六漏盡

爰初隱逸宴處林叢

祖珽
事苑

梵語貧婆此言叢林譬如大
樹叢叢故僧聚處得名叢林

食等餐露齋疑服風

求離
牢獄

經此等梵志
服風食氣

敬禮珍璫

見宋司
徒寺碑

歸依靈像

法苑珠林故
釋伽云吾今

此身即是法身由是法身所依持故如泥
木靈像遠有所表敬誠殷禮獲福無量

未若天尊躬

臨方丈

太玄真一本際經運道一切為極尊而常處三
清出諸天上故稱天尊忠柱曰法苑珠林唐

顯慶中王玄策使西域有維摩詰石室以手板縱橫量
之得十笏故名方丈室讀此碑則唐之前已有此名矣

慧炬常照慈燈斯朗

長阿含經燈燭
之明不如炬火

釋梵天仙

大悲芬
陀利經

欽定四庫全書

御孝傳集箋注
卷五

二十

佛言我於此閻浮提為轉輪王晨昏來往濟濟行法洗
名曰燈明即拾詣林求梵仙行

洗談講德秀臧文

莊子文王觀於臧見一丈人釣而其
釣莫釣遂迎臧丈人而授之政以為

太師風高廣成

莊子黃帝聞廣成子在
於空同之上故往見之

來儀上國

益稷鳳
皇來儀

史記徐君好季札
劍為使上國未獻

抗禮承明

漢汲黯傳大將軍青既益
尊黯與亢禮嚴助傳帝賜

助書曰君厭承明
之廬勞侍從之事

妙辯無相深言不生

楞嚴經除住三
昧是名無生

撞鐘比說

樂記善待問
者如撞鐘

擊鼓慙英樂論天口

漢劉歆七
畧齊田駢

好談論齊人語曰天口
駢天口者言不可窮

誰其與京

左傳懿氏卜妻敬仲
占之曰八世之後莫

之與京

乍現仙掌爰標神足色豔沈檀

楞嚴經白梅檀塗
身自能除一切熱

惱
香踰薝蔔

經云如入薝蔔林中聞薝蔔花香不聞他
樹屏曰華嚴經有世界名薝蔔華色

我有邊際

付法藏經流轉
生死無有邊際

隨機延促誓毀身城

法句經
心意品

說偈曰防
意如城

當開心獄

唯識論善惡熏心令心異見實無
地獄是故心外雖無地獄惡業成

時強自
妄見

忽示泡影

金剛經如
夢幻泡影

俄如風燭

法苑珠林命如
風燭難可駐留

噉噉門人承師若親寧焚軟疊

涅槃經菩薩為法因緣
剃身為燈氎纓皮肉酥

油灌之燒以為炷

尚瓊曰菩薩處胎經八大國王各
持五百張白氎梅檀木蜜盡內金棺裏以五百張氎纓

裏金棺復五百乘車載香酥油以灌白氎爾時

弗燎香

世尊欲入金剛三昧碎身舍利於婆娑世界

弗燎香

薪

新婆娑論是上座觀肉是菩薩肉共取香薪焚燒
其肉收其餘骨起窣堵波禮拜供養如事佛殮

合

欽定四庫全書

徐孝穆集箋注

三

窟為空

觀佛三時經佛初留影石室在那乾呵羅國毒龍池側爾時世尊從石窟出時龍聞佛還國帝

哭雨淚佛安慰龍我受汝請當坐汝窟中經千五百歲佛坐窟中作十八變踊身入石猶如明鏡在於石內映

現於外諸天百千供養佛方墳以堙法苑珠林云所云影影亦說法迄今猶現方墳以堙法苑珠林云所云

墳須彌據海起世經於須彌山佉提羅迦山二山之墳須彌海濶四萬四千由旬周圍無

量變灰揚塵曹毗志怪漢武帝鑿昆明池極深悉見灰墨無復土以問東方朔朔曰試問西域胡

至明帝時外國道人入洛時有憶朔言問之胡人云經云天地大劫將盡則劫燒此劫燒之餘詳與楊僕射書

淨土無壤

法苑珠林云西方常清淨自靈儀自真法苑然無一切雜穢故云淨土法苑珠林阿育

梁武帝捨道文曰何時涌增復睹全身法苑珠林阿育王遣使浮海壞鑠靈儀於象外

撒諸拾分取舍利還值風潮頗有遺落故今海族之中
時或遇者智度論佛問阿難我在龍宮說法龍子得道
留全身舍利高一
百三十丈汝知不

天台山徐則法師碑

北史徐則東海刺人也杖
策入縉雲山不娶妻常服

巾褐陳大建中應召來憩於至真觀暮月又
辭入天台山大傳徐陵為之刊山立頌晉王
廣鎮揚州聞其名手書召之曰夫道得衆妙
法體自然色涵二儀混成萬物人能弘道道
不虛行先生履德養空玄宗齊物深曉義理
頗味法門悅性冲玄恬神虛白餐松餌朮栖
息煙霞望赤城而待風雲遊玉堂而駕龍鳳
雖復藏名台岳猶且騰實江淮藉甚嘉猷有
勞寤寐欽承素道久積虛襟側夕幽人夢想
巖穴霜風已冷海氣將寒偃息茂林道體休

愈昔商山四皓輕舉漢庭淮南八公來儀藩
邸古今雖異山谷不殊市朝之隱前賢已說
導凡迷聖舍先生而誰故遣使人往彼延請
想無勞束帛賁然來思不待蒲輪去彼空谷
希能屈已佇望披雲遂
詣揚州而死年八十二

夫海水揚塵幾千年而可見

見與揚僕射書

天衣拂石幾萬世

而應平

觀佛三昧經諸佛化作八萬佛樹師子之座今釋迦樹最短若干天衣而布其上樹敏曰棲

炭經有一大石方四十里百歲諸天來下取羅縠衣拂石盡劫猶未窮

至人者譬彼晨昏

方乎晷刻固非俗士之所能言寰中之所能量者也至

如不死之草猶稱南喬

博物志禹戮防風防風二臣恐以刃自貫其心而死禹哀之拔

其刃療以不死之草長生之樹尚挺西崑淮南子昆侖山有層城九重高萬一千里上有

不死樹在其西百紀遊龜皆登蓮葉史記龜策傳神龜巢蓮上抱朴子千歲龜五色具焉

解人言或浮於蓮葉之上或在叢著之下千齡壽鶴或舞松枝見傳大士碑假矣

生民何其天脆譬彼風電隨願往生經四大假合形如芭蕉中無有實又如電光不

得久停同諸泡沫中阿含經譬如大雨滴泡一生一滅琢火之歎聞諸往賢

劉勰新論人之短死猶如石火炯然以過逝水之悲嗟乎前聖論語逝者如斯夫不舍晝

夜樵人看博信未始乎淹留異苑昔有人乘馬山行遙岫裏有二老人相對博蒲

遂下馬以策拄地而觀之自謂俄頃視其馬鞭淮然已爛顧瞻其馬鞍骸枯朽既還至家無復親屬仙客

彈琴固不移於俄頃

琴書琴高以琴養性初學於羅浮山後遊四海然而子孫

皆其數世

幽明錄漢永平中劉晨阮肇采藥失故道行至溪許二女迎歸食以胡麻飯求去指示之

至家已七世矣

鄉黨咸為草萊是以志士名賢飄然長驚臊羶

榮利

見荅周處士書

厭穢風塵服冕乘軒其猶桎梏朱庭紫閣

事甚樊籠

南史楊休之不樂煩職曰此官真是樊籠

隱淪巖洞

桓譚新論天下神人五一

曰神仙二曰隱淪

餐餌芝髓忽矣身輕

見玉臺新詠序

俄然羽化

訓解故事

道士亡曰羽化

金繩玉版受謁帝之符

見丹陽碑

龍駕霓裳處仙官

之錄

晉郭璞華山贊誰其遊之龍駕雲裳

法師蕭然道氣卓矣仙才

漢武內傳

西王母云劉徹好道然形慢神穢雖語之以至道殆恐非仙才也

千仞孤標萬頃無度

見歐陽

所以伊川控鶴

列仙傳王喬周靈王太子晉也好吹笙作鳳鳴遊伊洛之間浮

邱公接以上嵩高山後於山上見桓良曰告我家七月七日待我於緋氏山頭至日果乘白鶴駐山巔

葉

縣乘鳧

風俗通孝明帝時尚書郎河東王喬遷為葉縣令喬月朔常詣臺朝明帝怪其來朔而無車騎

密令太史候望言其臨至時常有雙鳧從東南飛來因候伺見鳧舉羅得一雙鳧使尚方識乃四年所賜尚書也
官履
靈化無方道還斯在銘曰

來去三島

神仙傳海上有三神山曰蓬萊曰方丈曰瀛洲謂之三島

賓遊二童

見玉臺新

詠

序然香雨上擊磬雲中玉粒雖軟

見長干寺碑

金膏未鎔

穆天

子傳河伯示
汝黃金之膏

方流道業濟彼昏蒙

頌

皇太子臨辟雍頌

有序

臣聞天大王大詳於道德之言

見勸進表

天文人文顯於文

象之說

見易

是以大君革命黜首所以庇焉聖人創物文

籍所以生焉或由此道制為民極莫不對越上靈裁成

庶類濟世育德昭彼昆蟲皇帝世膺下武體茲上德

見勸

進表握天鏡而授河圖

見丹陽碑

執玉衡而運乾象

見舜典

皇太

子耀彼重離光茲七堯儀天以文化成天下俱見侍中

國子祭酒新安王

南史新安王伯固文帝第五子天嘉六年立為新安郡王十年為國子祭

酒頗知玄理而墮業無所通至於摘句問難往往有奇意

宗室羽儀

易其羽可用為儀

衣冠

準的

後漢馬援傳為天下表的

惟善為樂

後漢書明帝問東平王處家何等最樂王曰為善最

樂

造次必儒

漢景十三王傳河間獻王德被服儒術造次必於儒者

粵以十一年

三月二十一日受詔弘宣發論語題攝齋升堂

見論語

掘

衣即席

曲禮將即席容母作詳讓表

對揚天人開闢大訓清言既吐

精義入神

見繫辭

副德爰動音辭鋒起問難泉涌

後漢馬援傳謀

若浦泉辨紛綸之異見與宗室書定倫理之疑玉振鏘鏘孟子

之謂集大成集大成也者金聲而玉振之也雲浮雨布秩臣曰後漢樊準傳詳覽羣言響如振玉

介王奉繫聖蹤馳辨秀出信令張禹慙其師法漢張禹傳禹字

子文河南軹人也蕭望之奏禹經學精習有師法可試事久之試為博士詔令禹授太子論語何晏慙

其訓詁通考引隋經籍志魯論語吏部尚書何晏為集解梁陳之時唯鄭玄何晏立於國學穆穆

焉洋洋焉此實虞朝之盛德生民之壯觀者也臣抑又

聞之魯史聿興史克宣其懿小序駟頌僖公也季孫行父請命於周而史克作是

頌晉雍大啓王虞逞其辭晉王虞傳虞字世將為濮陽太守元帝作鎮江左虞棄郡

過江及帝即位
虞奏中興賦

所以述休平之風揚君上之德輕以下

才敢為頌曰

皇運勃起膺圖受命紫蓋東臨黃旗南映

吳志陳紀曰
舊說黃旗紫

蓋運在東南

積仁累德重明疊聖四海無浪

見與王僧辯書

三階已

平

黃帝泰階六符經泰階者天之三階也三階平則陰陽和天地時

儲駕戾止和鸞有

聲弘風講肄

北堂書鈔孔臧與子琳書講肄書傳

崇儒肅成丹書貴道

竹書

紀年西伯發受丹書於呂尚

黃金賤籛

漢韋賢傳遺子黃金滿籛不如教子一經

洙泗興

業闕里增榮

孔子世家注伍緝之從征記闕里背洙面泗

銘

太極殿銘

有序

夫紫蓋黃旗揚都之王氣長久

見碑

虎踞龍蟠金陵之

地體貞固

見勸進表

天居爽塏

左傳景公欲更宴子之宅曰請更諸爽塏者

大寢

尊嚴

張衡西京賦正殿路寢注周曰路寢漢曰正殿

高膺

疑作應

端門

天官書太微三光之

廷匡衛十二星藩臣中端門左右掖門門內六星諸侯具內五星五帝座

仰模營室

天官書紫宮後

六星絕漢抵營室曰閣道注正義曰營室七星天子之宮

歸於有德譬彼河圖

見丹陽碑

傳我休明義同商鼎

左傳王孫滿對楚子曰昔夏之方有德也鑄鼎象物桀有昏德鼎遷

於商商紂暴虐鼎遷於周
德之休明雖小重也

太極殿者法氏象元王者之位

以尊

天官書云亢為疏廟注元命包曰亢四星為廟廷又氏為天根注星經云次四星為路寢聽朝所居

左平右城天子之堂為貴

初學記歷代殿名或沿或革惟魏之太極自晉以降正殿

皆因之曄虞決疑要注云其制有陞右城左平平以文碑相亞次城者為階級也九錫之禮納陞以登謂受此

陞以上殿

往朝煨燼多歷年所世道隆平宜其休復監軍鄒

子度啓稱即日忽有一大梓柱從流來泊在後渚岸

陳武

帝紀初侯景之平也太極殿被焚承聖中議欲營之獨闕一柱永定二年秋七月有樟木大十八圍長四丈五尺流泊陶家後渚監軍鄒子度以聞詔中書令沈衆魚起部尚書構太極殿
嵯峨容與若漢水

之仙槎

荆楚歲時記漢武帝令張騫使大夏尋河源乘槎經月而至

搖漾波濤似新

亭之龍刹

未詳

孤拔靈山允昭天貺昔梁氏承聖將圖繕

脩東虜窺江西胡犯蹕定之方中亟興師旅揆之以日

輒有災故

詩定之方中作于楚宮揆之以日作于楚室

是知秦人所止實漢

祖而為宮

見與王僧辯書

吳都佳氣乃元皇而斯宅

晉陽秋秦時望氣者

曰東南有天子氣五百年有王者興始皇遂東遊以厭之改金陵為秣陵孫權又改為建業至晉元帝適達其

時

千櫨赫奕萬栱峻層

魏何晏景福殿賦櫨各落以相承樂栱天橋而交結注櫨櫨

曲短梁也樂以承栱拱以承料

植綠菱而動微風舒丹蓮而制流火

俗風

通殿堂象東井形刻作荷菱荷菱水物也所以厭火甘泉遠望觀正殿之崢嶸
揚雄

甘泉賦似紫函谷遙看美皇居之壯麗漢書高祖七年至長安蕭何脩

未央宮曰非令信乎齊三光而示宇宙尸子上下四方曰宇往古來今

曰宙詳會萬國而朝諸侯史記夏本紀禹會諸侯於塗山執玉帛者萬國爰命

微臣乃為銘曰

雍時相望封禪書雍旁故有吳陽武時雍東有好時皆廢無祠故秦文公立時郊上帝諸神祠皆聚

云參差未央偃師回顧崔嵬德陽見與楊僕射書高捫太乙雄

甘泉賦配帝居之懸圃兮象太乙之威神注太乙天神也正睹瑤光張衡西京賦上飛闥而仰眺正

欽定四庫全書

卷五

賭瑤光
與玉繩

峨峨靈柱赫赫流樟美哉宮室

孟子為宮室之美

嘉哉

令

疑作上一日
本作今

玉燭寶典正月一日
為元日亦云上日

御宸垂旒

禮記天子玉藻

十有二旒
為貞陽侯書

當朝靖蹕

見傳大士碑

樂備韶夏

左傳韶箭舜樂大夏禹樂

禮兼文質

論語文質彬彬

帝旅無喧王旗斯謐

摯虞決疑要注晉制大會於太

極殿其會則五時朝服庭設
金石虎賁旄頭文衣繡尾

肅肅卿士

詩召南肅肅宵征

邕邕

承弼

書同命以旦
夕承弼厥辟

漢座雕屏

謝承後漢書鄭弘為太尉時舉第五倫為司空班次

在下每正朔朝見弘曲躬自卑上問知其故
遂聽置雲母屏風分隔其間由此為故事

周人檻櫺

城隅有勒

詩靜女其姝
俟我於城隅

殿省皆銘况復皇寢宜昭國經

方流典訓永樹天庭

揚雄甘泉賦開
天庭兮延羣神

報德寺刹下銘

昔者明王大孝感動神祇助月致景星之祥

見孝義
寺碑非

煙流慶雲之色

史記若煙非煙若雲非雲郁
郁紛紛蕭索輪囷是謂慶雲

然而嚴敬

之道惟事盡於配天明發之懷誠不過於饗帝

禮記祭
法注祀

天以始祖配祭義莊敬則嚴威又惟聖人為能饗帝孝
子為能饗親又祭之日明發不寐饗而致之又從而思

之豈如以梵宮之樂資乎廟堂淨土之因

見長干
寺碑

歸於

園寢雖復青雲譙郡之境

魏志文帝生於沛國譙郡時
有雲氣青色而圓如車蓋當

欽定四庫全書

律考卷五

於其上終日望氣

碧泉

疑作白水

春陵之鄉

東觀漢記光武出自長沙定王

定王生春陵節侯至孫孝侯改封白水鄉因故國名曰春陵

上幼懷凝重未曾遊陟

年將志學即事登庸宣力淮潯屬有嘉夢其夢也畢陌

弘敞

後漢郡國志右扶風高帝改安陵注皇覽曰縣西北畢陌秦武王冢

橋山屈盤

帝王世紀

黃帝葬於上郡陽周之橋山

氣象靈長風煙騰薄使

疑作便

隊雙表

續搜

神記有鶴集遼東城門華表柱宮曰漢書音義便房藏中便坐也

兆

其高百尋左則青

龍蟠蜿右則白虎蹲踞

曲禮左青龍而右白虎

軒轅之駕譬婉婉

而多慙

漢郊祀歌上曰吾聞黃帝不死有冢何也或對曰黃帝以仙上天羣臣葬其衣冠

吳王

之墳狀耽耽而非擬

吳錄孫堅墓上數有光如雲氣五色上屬天下蔓延數里

有人

指其地云此是國陵自爾迄永定初其間二十有餘年

至歲紀頻移崇塋乃作觀其山川形勢王相徵圖

後漢趙岐

孟子天時注謂五行旺相孤虛之屬

瞻拜高巒宛如前夢大矣哉孝悌之

至通於神明者與銘曰

壯矣金表

見傳大士碑

倚依墻垣

漢鼂錯傳內史府居太廟垣中門東出不便錯乃

穿門南出

高連彩霓

班固西都賦虹霓回帶乎林楮

極睇翔鵬

疑作鯢莊子北

冥有魚其名為鯢化而為鳥其名為鵬怒而飛其翼若垂天之雲鵬之徙於南冥也水擊三千里搏扶搖而上

者九
萬里
梵偈宵唱

異苑陳思王植常登魚山忽聞岳岫裏有誦經聲清迥深亮遠谷流響不覺斂

襟祇敬便效而則之今

雲花晝翻

未詳按崔豹古今注黃帝與蚩尤戰常有

五色雲氣金枝玉葉止於帝上有花葩之象因而作華蓋

三心斷縛六道除怨

見與李那

書趙夢天樂

見讓表

秦遊帝閣

張衡西京賦昔者大帝悅秦穆公而覲之饗以鈞天

廣樂

王靈在上巨勝奚論

未詳

福彼羣品俱排大昏皇家七

百於萬維孫

左傳王孫滿對楚子曰成王定鼎於郊郊卜世三十卜年七百天所命也詩於萬斯

年

麀尾銘

秦原曰漢書地理志儋耳珠崖郡山多麀麀注師古曰麀似鹿而大麀似鹿而

小塵音主

麤音京

爰有妙物

繫辭神也者妙萬物而為言者也

窮茲巧制員上天形

繫辭乾為

天為

平下地勢

易地勢坤

靡靡絲垂絲絲縷細入貢宜吳出

先陪楚

未詳

壁懸石拜

晉陽秋石勒偽事王浚浚遣勒塵尾勒為不執置之於壁朝拜之曰

見王公所賜如見公也

帳中玉舉

晉書王衍美貌每捉玉柄塵尾與手同色

既落天花

維摩詰經天女以天花散諸菩薩即皆墮落至大弟子便著不墮天女曰結習未盡故花著身結習盡者花不

著亦通神語

未詳

用動舍默出處隨時

繫辭君子之道或出或處或默或語

揚斯雅論釋此繁疑拂靜塵暑

晉王導塵尾銘勿謂質卑御於君子拂穢清暑

大邑曰車

佛孝傳集箋注

子

虛心以俟 原曰春嘉婦與嘉書
曰今奉牛毛尾拂一枚可拂塵垢
德柄言 誰云質賤左右宜之
詩左之右之
為訓辭 無不宜之

哀策文

陳文帝哀策文

後漢書禮儀志太常上啓奠太祝令跪讀謚策太尉再拜稽首

治禮告事畢太尉奉謚策還詣殿端門太常
上祖奠東園武王載大行司徒却行道立車
前治禮引太尉入就位大行車西少南東面
奉策太史令奉哀策立後太常跪曰進皇帝
進太尉讀謚策藏金匱皇帝次科藏於廟太
史奉哀策葦篴詣陵司徒跪曰大駕請舍太
史令自車南北面讀哀策掌故在後司徒跪
曰請就下位東園武士奉下車司徒跪曰請

就下房都導東園武士奉車入房司徒太史
令奉謚哀策東園武士執事下明器詳孝義

寺碑

維太康元年太歲丙戌四月丁未朔二十七日癸酉大

行皇帝崩於有覺殿

漢霍光傳行璽大行前注韋昭曰大行不反之辭也

殯於太

極之西階粵六月丙寅將遷於永寧陵禮也宮車晚出

江淹恨賦宮車晚出注

幄殿晨張

後漢禮儀志司徒跪曰請就幄導登旌

帷具列

禮弓銘明旌也以死者為不可別已故以其旗識之又曾子曰尸未設飾故帷堂小斂而徹帷

綍翻成行

雜記升正柩諸侯執綍五百人匠人執羽葆御柩禮弓顏柳曰天子龍楯而擗棖

哀

子嗣皇帝諱

雜記祭稱孝子孝孫喪稱哀子哀孫

擗蜚輅於丹陛

謝朓齊敬皇后

哀策文懷蜚衛而延首注蜚車

也四輪迫地而行有似蜚因名攀龍帷於紫庭

檀弓天子之殯

也最塗龍楯以樽注最木以周龍楯如樽而塗之天子殯以楯車畫轅為龍

趨過窮於屏闈

論語鯉趨而過庭

拜慟感於明靈東京飛其瑞露

後漢明帝紀永平十七年

甘露降於甘陵按安帝紀注甘陵孝德皇后之陵因以為縣

北陸賈其祥星乃詔雲

臺之史

見傅大士碑

稽采咸池之曲

樂汁圖經黃帝樂曰咸池

叶大雅於

鳴金

見歐陽頤碑

同藏書於羣玉

穆天子傳穆天子西登昆命見王母曰登已至於羣

玉之上先王所謂策府也

其辭曰

若水傳帝

帝王世紀少昊帝名摯字青陽姬姓降居若水有聖德邑於窮桑以登帝位

熏風

御民

帝王世紀舜作五弦之琴以歌南風之詩曰南風之熏兮可以解吾民之愠兮

重光所集

崔豹古今注漢明帝為太子樂人作歌詩四章一曰日重光

世載於陳

班彪王命論奕世載德

赫矣高祖悠哉上昊蟬聯寶胄

梁沈約曰爵位蟬聯

暉煥郊禋

見

楊僕射書

我皇誕聖膺此家慶

易積善之家必有餘慶

道主衢樽

淮南子聖

人之道猶中衢而設尊

神凝懸鏡

莊子聖人之用心也若鏡不將不迎應而不藏故勝物以無傷

洛書天表河紀靈命

尚書中候堯沉璧於洛玄龜負書出背甲赤文成字止壇又沈璧於

河黑龜出文題

納揆馳芳賓門流詠

舜典納于百揆百揆時序賓于四門四門穆穆

稽

陰克伐

易高宗伐鬼方三年克之稽陰會稽山陰也

震野勤王

禹貢震澤底定南史章昭

達傳文帝為吳興太守武帝謀討王僧辨令文帝還長城招聚兵衆以備杜龕僧辨誅後昭達因從文帝進軍

以討龕龕平又從討張彪於會稽克之杜龕傳龕為震州刺史

臺道增構

殷本紀湯始居亳從先王

居注孔安國曰契父帝嚳都亳湯自商邱遷焉故曰從先王居

幽風會昌

詩有幽風樹屏曰左思

蜀都賦天帝運期而會昌

言瞻少昊實仗高陽

帝王世紀顓頊高陽氏生十年而佐少昊

二十年而登帝位

駕彼軫葛

見與王太尉書

清宮未央

見侯安都碑

歡覃兆

庶德洎遐荒穆齋高寢

漢宣帝紀神爵集高寢

上膳長樂

漢高祖紀五年

後九月治長樂宮

肅肅承顏哀哀薦酌悼園恭儉

漢庾太子傳納史良悌產

子男進號曰史皇孫史皇孫子是為孝宣帝有司奏親
謚宜曰悼皇母曰悼后比諸侯王園置奉邑三百家

章陵諱約

後漢地理志章陵故春陵世祖更名

大寶崇名

繫辭聖人之大寶曰位

無

間改作纂武升厯

禮記孔惺鼎銘獻公乃命成叔纂乃祖服

遺愛實繁

左傳子產

卒仲尼出涕曰古之遺愛也仲虺之誥實繁有徒

三湘九派

水經江至潯陽分為九道詳與王僧

辯書 沴氣雲昏

後漢五行志氣之相傷謂之沴

力折天柱才傾地門

見侯安都

碑

甘泉夜照

漢文帝紀烽火及甘泉宮

細柳朝屯

見為陳武帝書

谷魅山鬼

左傳王孫滿曰魍魎罔兩莫能逢之秦本紀始皇曰山鬼固不過知一歲事也

鈔曰

橫流塞源

黃帝兵法云涓涓不塞將為江河詳丹陽碑

赫赫英譽赳赳雄斷徧行天討

無遺神算鬱埽江淮長驅巴漢九夷百越

書旅葵惟克商遂通于

九夷八蠻 啓源曰漢高帝紀詔曰故衡山王吳芮從百越之兵以佐諸侯誅暴秦

雷隨風渙北

俘昆邪

漢匈奴傳昆邪王殺休屠王并將其衆降漢

西戡伊軻

後漢西域傳明帝取伊吾

廬通西域 秩臣曰漢西域傳武帝遣人使安息安息王遣使以犂靬眩人獻於漢

負荷皇極

書洪

範皇建 其有極 劬勞庶幾

後漢章帝紀孝明皇帝聖德淳茂劬勞日昃注日昃日昧也詩庶幾夙夜

勤民聽政肝食宵衣

書無逸文王自朝至于日中昃不遑暇食用咸和萬民左傳伍奢曰

楚君大夫其肝食乎漢鄒陽傳孝文皇帝據關入立寒心銷志不明求衣

服貴綈皁

漢書孝文皇帝

身衣 弋絺 風移閭闔

漢書孝文皇帝所幸慎夫人衣不曳地

唐山罷奏

漢禮樂志房中

祠樂高祖唐山濮水韜徽樂記注濮上紂臣訪采狂狷

孟子孔子曰不得中行而與之必也狂狷也搜敷側微堯典明明世感中孚

民維大畜見易外戶無閉見歐陽高垣奚築降情儒雅漢章

帝紀詔曰朕凝懷庠塾王制有庠氏養國老於上庠養庶老於下庠學記古之教者家

有御廡為歡臨雍彌肅後漢明帝紀永平二年帝幸辟雍初行養老禮十五年幸孔子

宅祠仲尼及七十二弟子親禮兼三代樂備九成書益

詔九成天資武德地照文明墨履斯在初學記賈子曰幪

巾自清連珠合璧漢律歷志日月如連珠曜爽流精左傳子

以有獸舞時豫

書益稷夔曰於予擊石拊石百獸率舞易豫之時義大矣哉

禽歌頌

平

漢王莽傳莽司曰赤煒頌平考聲以律

帝載維遠王靈維大占雨占風

論衡太平瑞應風不鳴條雨不破塊五日一風十日一雨

荒中海外憬彼鞮譯

王制東方

曰寄南方曰象西方曰狄鞮北方曰譯

咸承冠帶

魏世家唐睢曰魏所以稱東藩受冠帶祠春秋

者以秦之疆足以為與也

是曰君臨斯為交泰

見易

白環已賁

世本西王母慕

舜之德乃獻白環及玦

玄圭克禎

見勸進未

東河佇楫

漢武帝紀元封四年幸河東祠

后土詔賜三縣及楊氏皆無出今年租賦注師古曰楊氏河東聚邑名

北狄思征

仲虺之誥南征

北狄怨

鉞斧將戒

王制諸侯賜弓矢然後征賜鉞鉞然後殺

璫珩未鳴

詩服其命服朱

帝斯皇有
璿蔥珩

星淫去楚日沴悲荆

左傳魯梓慎曰今茲宋鄭其饑乎歲在星紀而

淫於玄枵又楚有雲如衆赤鳥夾日以飛三日

億兆何釁穹昊遽傾

爾雅穹蒼蒼天也又

秋為昊天

大禹胼胝

帝王世紀禹治水勞身涉勒手足胼胝故世傳禹病偏枯足不相過今巫稱禹

步是也

重華踞腊

說文北方謂鳥腊曰腊按舜名重華仰銳曰韻書引傳曰堯如腊舜如腊

惟勞務同斯違懌

書顧命王不懌

發夢無徵

文王世子文王謂武王曰汝何夢矣

武王對曰夢帝與我九齡文王曰古者謂年齡齒亦齡也我百爾九十我與爾三馬

昭祈奚益

見為

貞陽侯書

聽茂陵之鐘鼓

漢武帝紀葬茂陵古今注云光武原陵垣四出司馬門寢殿鐘虞皆

在周垣內

抱橋陽之劍舄

列仙傳軒轅自擇亡日與羣臣辭還葬橋山山崩棺空惟有劍舄在

馬詎髣髴於宸儀潘岳悼亡詩終纏綿於號擗嗚呼哀

哉三占以吉書洪範三人占則從二人之言四海同奔列贈天宇穀梁傳乘

馬曰崩號帝閭喪大記復小臣復復者朝服君以衮升東榮中屋復危北面三號卷衣投於前

也司服受之降自西北榮注復招魂也岳原離騷吾令帝閭開闔兮千門啓於閭闔後漢張衡

也西京賦注閭闔天門也詳玉臺新詠序萬乘警於靈輜秦本紀始皇崩於平臺棺載輜涼車

中槐風悲於輦道松雨思於郊原爾雅守宮槐葉晝聳宵恍兆寬曰謝莊

宋宣貴妃誅鏘楚挽於槐風喝邊蕭於松霧驚旗動而虛蹕漢霍光傳法駕駕皮軒驚旗詳

士碑傅大宿衛靜而空尊漢書霍光傳大將軍光宿衛忠正叔孫通傳高帝曰吾乃今知皇帝

之賁也 兆騫曰後漢禮儀志云登遐
皇后詔虎賁羽林中郎署皆嚴宿衛 嗚呼哀哉卑陌

平夷流山蟠固

後漢光武紀帝初作壽陵令所制地不
過二三頃無為山陵陂池裁令流水而

已紀無遷市

帝王世紀舜葬於蒼梧九疑
山之陽是為零陵謂之紀市 唐有通樹王

世紀堯葬於濟陰之
成陽西北號為穀林 經白社之修塗回青門之廣路 史記

劬平故秦東陵侯秦滅種瓜長安城東故世謂之東陵
瓜又云青門瓜青門東陵也疑用夏侯嬰事見章昭達

碑

思沛邑以東臨

漢高祖紀謂沛父兄曰遊子悲故鄉
君雖都關中萬歲之後吾魂魄猶思

樂懷周京以西顧

詩迺者西顧 嗚呼哀哉機神不測性
此維與宅

道難稱

見論語

充窮靡寄

檀弓始死充
充如有窮

孺慕奚憑

檀弓有
子與子

欽定四庫全書

卷五

游立見儒

惟封云與禪肅遺玉牒之與金繩

漢郊祀志管仲曰黃

帝封泰山禪云亭武帝封泰山下東方其下則有玉牒書禮畢禪泰山下趾東北肅然白虎通封禪金泥銀繩

詳與陳司空書

揚英聲而永久

司馬相如封禪文蜚英聲

共日月而俱升

詩如

月之恒如日之升

嗚呼哀哉

墓志

司空章昭達墓志

周原膺膺

見詩

佳氣蔥蔥

後漢書王伯何望春陵城曰氣佳哉鬱鬱蔥蔥

王業攸

興帝圖斯盛昔光武佐命鄴縣者鄧侯

後漢書光武南陽蔡陽人鄧禹

南陽新野人

高祖元臣同郡者蕭相

漢書蕭何沛人詳與楊僕射書

台輔之

量便著綺紈

見為始興王表

瑚璉之資

見論語

無待雕琢起家為

東宮直前所奉之君則梁簡文皇帝既而黑山巨盜憑

陵上國

見與王僧辯書

白水強胡虔劉中夏

見移齊文

公側其產業

募是驍雄思報皇儲累殲鯨寇

本傳昭達字伯通吳興武康人也性倜儻輕財

尚氣梁大同中昭達為東宮直侯景之亂昭達率鄉人援臺

屬豳風有象

見詩

代邸方

隆進表見勸搜荆楚之英才

漢李陵傳陵曰臣所將屯邊者皆荆楚勇士奇才劍客也

資

班輸之妙畧

墨子公輸般為雲梯以攻宋墨子解帶為城以牒為械輸般九攻墨子九拒

百

樓忽起登雲霄而俯臨

後漢公孫瓚傳
兵法百樓不攻

萬弩齊張隨雷

霆而並振

孫臏傳馬陵道狹而旁多阻隘可伏兵乃斫
大樹白而書之曰龐涓死於此樹之下龐涓

果夜至斫木下齊軍
萬弩俱發涓乃自剄

揚兵於九天之上

玄女九宮戰法
行兵之道天地

之實九天九地各有表裏九天之上六甲子
也九地之下六癸酉也子能慎之萬全可保

決勝於千

里之中

見與楊
僕射書

殪彼羣兇皆無旋踵

漢霍光傳田延年
曰今日之議不得

旋踵本傳臺城陷昭達還鄉里與陳文帝遊因結君臣
分侯景平文帝為吳興太守昭達杖策來謁文帝委以
將帥陳武帝謀討王僧辯令文帝還長城招聚兵衆以
備社龕頗使昭達往京口稟承計畫僧辯誅後社龕遣
其將杜泰來攻長城昭達因從文帝進軍吳興以討龕
龕平又從討張彪於會稽克之天嘉九年追論長城功

封興樂縣侯二年改封邵武縣侯廢帝即位改封邵陵郡公

陳寶應志懷反叛客引

周迪資其食力更事窺窬

見為陳貞侯書

公奉詔崇朝

詩曾不崇朝

飲冰將力

莊子朝受命而夕飲冰

前茅後勁步驟奔馳

左傳楚人遂疾進師

車馳卒奔乘晉軍又隨武

子曰前茅慮無中權後勁

仍同甄閩

漢書漢五年立無諸為閩粵王王閩

中故地孝惠三年立

殄其巢窟若夫鳴蛇之洞深谷隱

搖為東海王都東甌

於蒼天

水經注漢水又東合洛谷其地有神蛇戍左右山溪多五色蛇性馴良不為毒

經鱗山多鳴蛇四翼音如磬見則大旱

飛猿之嶺喬木參於雲日

一統志福建延

平府府城南有聞猿洞

吳權曰建安記飛猿嶺

宜越艇而

登嶠

淮南子越舂蜀舂不能無水而浮

蒙燕犀而涉江

晉庾翼與慕容皝鎧書鄧伯川昔

送此犀皮兩當鎧一領復是異物故復致之

威武紛紜

見為貞陽侯書

震山風海於

是咸俘偽帥悉據高墉

易公用射于高墉之上

爰泊滄溟莫不懲

艾

本傳陳寶應納周迪共寇臨川又以昭達為都督討迪迪走昭達乃踰嶺討陳寶應與戰不利因據上流

為筏施拍其上壞其水柵又出兵攻其步軍方大合戰會文帝遣余孝頃出自海道適至因併力乘之遂定閩中盡禽留異寶應以功授鎮軍將軍開府儀同三司既而齊人無信將謀郢藩鬪

艦戈船

漢書有戈船將軍

窺江淹漢公纔聞羽檄

見歐陽頠碑

遽稟

師斯馳襲荆郢應時燒蕩

本傳尋隨侯安都拒王琳來平虜大艦中流而進先鋒發

拍中賊艦王琳平
昭達策勲第一

方欲宣威隴汧大討梁華屬上將之

韜光遲中台之掩曜

天官書斗魁帶匡六星一曰上將魁下六星兩兩相比者名曰三能

注蘇林曰音三台

大建三年薨於軍幕

本傳大建二年征江陵時梁明帝與周軍大蓄

舟艦於青泥中昭達分遣偏將錢道戡程文季乘輕舟焚之周又於峽口南岸築壘名安蜀城於江上橫引大索編葦為橋以渡軍糧昭達乃命軍士為長戟施樓船上仰割其索索斷糧絕因縱兵攻其城降之三年於軍中病薨贈大將軍配享文帝廟廷子太寶襲叅陵郡公

爾乃青鳥相墓

藝文類聚相冢書有

青鳥子

白鶴標墳

幽明錄孫鍾以種瓜為業有三少年詣鍾乞瓜曰此山下善可作冢鍾隨下山

三人悲化成白鶴飛入空中即孫堅所葬地

林有逃車

左傳趙盾棄車而走林

樹同華

蓋

蜀志先主舍東南角籬上有桑樹生高五丈餘遙望

憧憧如小車蓋先主少時與宗中諸兒於樹下戲言

吾必當乘此羽葆蓋車

前旂熊軾

後漢輿服志公列侯安車朱班輪倚鹿較伏熊軾卑繒蓋黑輜

右後乘龍輜

潘岳寡婦賦龍輜儼其星駕

介士發三河

之民

漢霍光傳光薨發三河卒穿復土起冢祠堂

哀鏡同駟馬之曲

博物志公卿送

夏侯嬰至東都門外馬不行接地悲鳴得石椁銘曰佳城鬱鬱三千年見白日吁嗟滕公居此室乃葬之長

安傳

疑作

坐恩禮盛於西京

初學記漢初並用土人為尚書令秩二千石又東漢

與司隸校尉御史中丞皆專席坐京師號曰三獨坐也

襄陽墮淚悲慟喧於南北

見侯安都碑

河東康簡王墓志

南史河東康簡王叔獻字子恭宣帝第九子性恭謹聰敏

好學大建五年立位南徐州刺史薨贈司空謚康簡隋書冀州河東郡河東縣注舊曰蒲

坂縣置

河東郡

夫聖人至德天道福謙

見易

大哉堯舜貽慶長遠明兩之

盛

易明兩作

中陽纂於泰龍

見與楊僕射及宗室書

百世之祀皇家兆

於鳴鳳

左傳楚公子棄疾師師滅陳晉侯問於史趙曰陳其遂亡乎對曰未也臣聞盛德必百世祀又

陳公子完奔齊懿氏卜妻完其妻卜之曰吉是謂鳳皇于飛和鳴鏘鏘有媯之後將育于姜

遠青邱

於海北

漢武內傳長州一名青邱仙草靈藥甘露玉英靡所不有

應紫蓋於江南

見太

極殿

帝系王基重光累葉

東都賦重熙而累洽

高祖之建天柱列

聖之補地維

見侯安都碑

蕩蕩乎民無得而名焉者也

見論語

王資神昂緯

帝王世紀脩己見流星貫昂感而生禹

託曜房靈

春秋元命苞姬昌蒼

帝之精位在房心

體斯孝德不由師保月生之對何用於擬議

後漢黃琬傳漢建和初正月日食京師不見黃琬為魏郡太守以狀聞詔問所食多少瓊不能對瓊孫琬時七歲在旁曰何不言日食之餘如月初瓊大驚琬後累官光祿大夫日近之言無階於等

級

楚語申叔時曰明等級以道之禮詳與李那書

封河東王加侍中淑貌與金

燧相宜

莊子陽燧見日則然為火注陽燧鑑也

清顏與

摩拭令熱便置日中以艾就之火生

玉壺同照

鮑照樂府清如玉壺冰

授使持節南徐州刺史武羗旅

拒

見移文

亭障遷移

漢西域傳漢列亭障至玉門

漠草非長廣之東

隋書

青州東萊郡膠水縣注舊曰長廣

湖萊近荆門之北

後漢郡國志夷陵有荆門

王常

譏庾翼使白面之非才

南史沈慶之傳慶之曰陛下今欲伐國而與白面書生謀之事

何由

深慕曹彰歎黃鬚之為可

見為始興王表

火精不退奚應

善言

呂氏春秋宋景公時熒惑守心子韋曰君有至德之言三天必三賞君是夜熒惑退三舍

水蛭

難消徒持陰德

賈誼書楚惠王食寒菹而得蛭因遽吞之腹有疾而不能食令尹入問疾王曰

吾食菹而得蛭不行其罪是法廢而威不立也譴而誅之恐監食者皆死遂吞之令尹曰天道無親惟德是輔

王有仁德疾不為傷王果疾愈薨於沙鎮時年一十有七追贈司空加

鼓吹班劍謚曰康簡至洛北占墳河南除道葭悲煙殿

之聲

後漢律歷志候氣之法室中以木為案每律各一

內庫外高從其方位加律其上以葭葭灰抑其內

端按律而候之氣至者灰去其為氣所動者其灰散人

及風所動者其灰聚殿中候用玉律十二惟二至乃候

劔動豐城之氣見與李豈惟晉王寵悼重琅邪之贈官

晉書琅邪悼王煥字耀祖初繼帝弟長樂亭侯渾後封

顯義亭侯及煥疾篤帝為之徹膳及下詔封為琅邪王

嗣恭王後俄而薨年二歲帝悼念無已將葬以煥既封

列國加以成人之禮詔立山門柏歷備吉凶儀服營起

陵魏后高文制蒼舒之哀誄魏志鄧哀王冲字蒼舒年

園十三疾病太祖親為請命

及亡哀甚贈騎都尉印綬黃初二年追贈謚沖曰鄧哀
侯又追加號為公注魏書載策曰朕承天序享有四海
並建親親以藩王室惟爾不逮斯榮且奠禮未備
追悼之懷愴然攸傷太和五年加沖號曰鄧哀王

裴使君墓志

南史裴之橫字如岳少好賓游重
氣俠不事產業歎曰大丈夫富貴

必作百幅被梁簡文在東宮遷直閣將軍臺
城陷之橫與兄之高歸元帝位廷尉卿河東
內史隨王僧辯拒侯景景退遷東徐州刺史
封豫寧侯又隨僧辯破景景東奔僧辯命之
橫與杜薊入守臺城魏克江陵齊遣上黨王
高渙挾貞陽侯明攻東關晉安王承制以之
橫為徐州刺史都督衆軍出守蘄城之橫營
壘未周而齊軍大至兵盡天窮遂於陣歿贈
司空謚
曰壯

君五音之候兼其方牧

疑作技抱朴子黃帝審攻戰則納五音之策

八陣之

圖窮其巧變

晉桓溫傳諸葛亮造八陣圖於魚復平沙上溫見之曰此常山蛇勢也

用能

戰必勝攻必取督稱無難兵號解煩

吳志宗室傳孫皎弟儀為無難督

樹屏曰胡綜傳權使綜料諸縣得六千人立解煩兩部

朝飛火箭夜聳雲梯

史記公輸

班作陵雲之梯以攻宋城

燧象從奔

左傳鍼尹固與王同舟王使執燧象以奔吳師

聯狼已

合

未詳按戰國策秦惠王謂寒泉子曰諸侯之不詳按戰國策秦惠王謂寒泉子曰諸侯之不可一猶連雞之不能俱上於棲也

於是嚴顏

不撓極咤諸戎

蜀志張飛生獲巴郡太守嚴顏顏曰我州但有斷頭將軍無降將軍也

龐

德高聲肆言羣逆

魏志龐德為關羽所得立而不跪罵曰我寧為國家鬼不為賊將也遂為

羽所

胡夷總至猶持子路之纓

左傳蒯賁攻出公劫孔悝以登臺子路曰太子

無勇若燔臺半必舍孔叔太子聞之懼下石乞孟賁敵子路以戈擊之斷纓子路曰君子死冠不免結纓而死

鋒刃相交終荷溫生之節

後漢書溫序遷護羌校尉行部至襄武為隗囂別將苟宇

所拘劫序素有氣力大怒叱宇等曰虜何敢迫脅漢將因以節撻殺數人宇曰此義士死節可賜以劔序受劔

衝鬚於口顧左右曰既為賊所迫殺無令鬚汗血遂伏劔而死

每以財輕黨穰義重嵩

衡割宅字貧友之孤

孔叢子邨成子自魯聘晉過於衡右牢穀臣止而觴之行三十里而

聞衡亂穀臣死之成子迎其妻子隔宅而居之

開門延故人之殯

見論語

篤好朋

遊居常滿席每至鮮雲靄靄披王安之衣

未詳

明月團團

似班姬之扇

班婕妤怨歌行新製齊統素鮮潔如霜雪載為合歡扇團團似明月

日帶花

以如笑

樹敏曰劉勰新論春葩含日似笑

風鳴條而若歌傷列絲桐對

揚文酒一石之後逾能斷獄

漢書于定國飲酒至數石不亂治獄益精明

五

斗之量猶未解醒

世說劉伶跪而祝曰天生劉伶以酒為名一飲一石五斗解醒

嗟乎

潘岳之詩致哀周密

文選注晉惠帝元康六年氏賊齊萬年與楊茂陷關中既定帝命諸

臣作關中詩潘岳詩曰周狗師令身膏氏斧人之云亡貞節克舉按周處別傳氏賊齊萬年為亂處仰天歎曰

我為大臣以身殉國

莊公之諫用愍相遺


檀弓魯莊公及宋人戰于

乘邱縣賁父御卜國為右馬驚敗績公隊佐車授綏公曰未之卜也縣賁父曰他日不敗績而今敗績是無勇

也遂死之園人浴馬有流矢在白內公曰非其罪也遂誅之

補南史顏延之傳釋慧琳上每引見常升獨榻傳大士碑

高僧傳慧受夢青龍從南方來化為刹柱受至新亭江見一長木隨流來因立為刹太極殿銘



徐孝穆集箋注卷五

欽定四庫全書

集部

徐孝穆集箋註卷六

詳校官左都御史臣李紱

檢討臣何思鈞覆勘

總校官降調編修臣倉聖琳

校對官編修臣勵守謙

謄錄監生臣陳繼豫

欽定四庫全書

徐孝穆集箋注卷六

陳 徐陵 撰

詔

陳武帝即位詔

五德更運帝王所以御天三正相因夏殷所以宰世雖
色分辭翰時異文質揖讓征伐迄用參差而育德振民
義同一揆朕以寡昧時屬艱危國步屢屯天維三絕肆

勤先后拯厥橫流藉將帥之功兼猛士之力一匡天下
再造黔黎梁氏以天祿永終歷數攸在遵與能之典集
大命於朕躬顧惟菲薄辭不獲亮式從天睠俯協民心
受終文祖升禋上帝繼迹百王君臨萬宇若涉川水罔
知攸濟寶業初建皇祚維新思俾惠澤覃被億兆可大
赦天下改梁太平二年為永定元年賜民爵二級文武
二等鰥寡孤獨不能自存者人穀五斛逋租宿債皆勿
復收其有犯鄉里清議贓污淫盜者皆洗除先注與之

更始長徒敕繫特皆原之亡官失爵禁錮奪勞一依舊
典

梁禪陳詔

五運更始三正迭代司牧黎庶是屬聖賢用能經緯乾
坤彌綸區宇大庇黔首闡揚鴻烈革晦以明積代同軌
百王踵武咸由此則梁德湮微禍亂薦發太清云始見
困長蛇承聖之季又罹封豕爰立天成重竊神器三光
亟沈七廟乏祀含生已泯昂命斯墜我武元之祚有如

綴旒靜惟屯剥夕惕載懷相國陳王有命自天降神維
嶽天地合德晷曜齊明拯社稷之橫流提億兆之塗炭
東誅逆叛北殲獯醜威加四海仁漸萬國復張崩樂重
興絕禮儒館聿脩戎亭虛候大功在舜盛績惟禹巍巍
蕩蕩無得而稱來獻白環豈直黃虞之世入貢素雉非
止隆周之日固以效珍川陸表瑞煙雲甘露醴泉旦夕
凝涌嘉禾芝草孳植郊甸道昭於悠代勳格於皇穹明
明上天光華日月革故著於玄象代德彰於圖讖獄訟

有歸謳歌爰適天之歷數實有攸在朕惟庸藐闇於古
昔永稽崇替為日已久敢忘列代之遺典人祇之至願
乎今便遜位別宮敬禪於陳一依唐虞宋齊故事

陳公九錫詔

肇昔元胎剖判太素氤氲崇建人皇必憑洪宰故賢哲
之后牧伯征於四方神武之君大監治乎萬國又有一
匡九合渠門之賜以隆戮帶圍溫行宮之寵斯茂時危
所以貞固運泰所以光熙斯乃千載同風百王不刊之

道也太傅義興公允文允武乃聖乃神固天生德康濟
黔首昔在休期早隆朝寄遠踰滄海大拯交越皇運不
造書契未聞中國具凶兵凶總至哀哀噍類譬彼窮宇
悠悠上天莫云斯極否終則泰元輔應期救此將崩援
茲已溺乘舟履輦架險浮深經畧中塗畢殲羣醜泊乎
石頭姑熟流髓履腸一朝指撝六合清晏是用光昭下
武翼亮中都雪三后之劾讎夷三靈之巨慝堯治禹佐
未始能階殷相周師固非云擬重之以屯剝餘象荆楚

大崩天地無心乘輿委御五湖薦食競謀諸夏八方基
時莫有匡救強臣致命黜我沖人顧影於荼孺之魂甘
心於寧卿之辱却案下髻求哀之路莫從竊鉄逃責容
身之地無所公神兵奄至不日清澄惟是孱蒙再膺天
祿斯又巍巍蕩蕩無得而稱焉加以仗茲忠義屠彼妖
逆震部夷氛稽山罷祲番禺蠱澤北鄙西郊殲厥凶徒
罄無遺種斯則兆民之命修短所縣率土之基興亡是
賴於是刑禮兼訓沿革有章中外咸平遐邇寧一用能

使陽光合魄曜象呈暉樓閣遊庭抱仁含信宏勲該於
厚地大道格於玄天義農炎昊以來卷領垂衣之世聖
人濟物未有如斯者也夫備物典策桓文是膺助理陰
陽蕭曹不讓未有功高於寓縣而賞薄於伊周凡厥人
祇固懷延佇實由公謙撝自牧降損為懷嘉數遲回永
言增歎豈可申茲雅尚久廢朝猷宜戒司勳敬申鴻典
且重華大聖媯汭惟賢盛德之祀無忘公侯之門必復
是以殷嘉亶父繼后稷之官堯命羲和纂重黎之位況

其本支攸建宜誓山河者乎其進公位相國總百揆封
十郡為陳公備九錫之禮加璽綬遠遊冠綠綬綬位在
諸侯王上其鎮衛大將軍揚州牧如故

進武帝為長城公詔

德懋懋官功懋懋賞皇王盛則所謂元龜司空公南徐
州刺史長城縣開國侯諱志懷寅亮風度弘遠體文經
武明允篤誠曩者率五嶺之強兵誅四海之讎敵固以
勒功彝鼎書勲太常克定京師勤勞自重自鎮撫粉榆

永寧豐沛東涼既息北蔡無歸代馬燕犀氣雄天下裹糧坐甲固敵是求方欲大討於秦峭敦脩於興睦協謀上相爰納朕躬思所以敬荅忠勲用申朝典可進爵為長城縣公

陳文帝登祚尊皇太后詔

朕以虛薄才非弘濟竊守藩維常懷盈滿豈圖蒼昊不弔國步艱難皇嗣元良藐在峭渭二臣奉迎川塗靡從六傳還朝淹留永日今國圖無主家業事隆上奉父母

之嚴規下逼羣公之廷諍遂以庸質升纂帝基對揚大
化彌增號懼今宜式遵舊則奉上皇后尊號為皇太后
御慈訓宮一依前典若中流靜晏皇嗣歸來輒當解紱
於箕山之陽歸老於琅邪之國復子明辟還承寶圖若
問與夷無媿園寢

封始興王詔

漢祖天倫伯叔迨封晉元世系琅邪傳國仰惟二后重
光率由前典朕昔因藩次蒙繼本宗分在要荒久離寒

燠天嘉紹祚別命皇枝歸自峭函禮隔登獻每至霜庭
可履屬垣寢而懷悲風樹鳴條望章陵而增感今嗣王
乖德獲罪慈訓永言主奠宜自朕躬但國步時艱皇基
務切復奉家業升纂帝圖重違情禮言深哽慟可以第
二皇子升陵為始興王

文

為陳武帝即位告天文

皇帝臣諱敢用玄牡昭告於皇皇后帝梁氏以圯剝薦

臻厯運有極欽若天應以命於諱夫肇有烝民乃樹司
牧選賢與能未常厥姓放勲重華之世咸無意於受終
當塗典午之君雖有心於揖讓皆以英才處萬乘高勛
御四海故能大庇黔首光宅區縣有梁末運仍葉邁屯
獯醜憑陵久移神器承聖在外非能祀夏天未悔禍復
罹寇逆嫡嗣廢黜宗支僭詐天地蕩覆紀綱泯絕諱爰
初投袂大拯橫流重舉義兵實戡多難廢王立帝實有
厥功安國定社用盡其力是謂小康方期大道既而煙

雲表色日月呈瑞緯聚東井龍見譙邦除舊布新既彰
玄象遷虞事夏且協謳訟九域八荒同布衷款百神羣
祀皆有誠願梁帝高謝萬邦授以大寶諱自惟菲薄讓
德不嗣至於再三辭勿獲許僉以百姓須主萬幾難曠
皇靈眷命非可謙拒畏天之威用膺嘉祚永言夙志能
無慙德敬簡元辰升壇告禪告類上帝用荅民心永保
於我有陳惟明靈是饗

梁禪陳策文

咨爾陳王惟昔上古厥初生民驪連栗陸之前容成大
庭之代並結繩寫鳥杳冥慌忽故靡得而詳焉自羲皇
軒昊之君陶唐有虞之主或垂衣而御四海或無為而
子萬姓居之如馭朽索去之如脫敝屣裁過許由便能
捨帝暫逢善卷即以讓王故知玄扈璇璣非關尊貴金
根玉輅示表君臨及南觀河渚東沉刻壁精華既竭耄
勤已倦則抗首而笑惟賢是與謗然作歌簡能斯授遺
風餘烈昭晰圖書漢魏因循是為故實宋齊授受又弘

斯義我高祖應期撫運握區御宇三后重光祖宗齊聖
及時屬陽九封豕薦食西都失馭夷狄交侵乃臬天成
輕弄龜鼎懔懔黔首若崩厥角微微皇極將甚綴旒惟王
乃聖乃神欽明文思二儀並運四時合序天錫智勇人
挺雄傑珠庭日角龍行虎步爰初投袂日乃勤王電掃
番禺雲撒彭蠡揃其元惡定我京畿及王賀帝弘貿茲
冠履既行伊霍用保沖人震澤稽陰並懷叛逆獮厥醜
虜三亂皇都裁命偏師二邦自殄薄伐玁狁六戎盡殪

嶺南叛換湘郢結連賊帥既擒兇渠傳首用能百揆時
序四門允穆無思不服無遠不屆上達穹昊下漏深泉
蛟魚並見謳歌攸屬況乎長孺橫天已徵布新之兆璧
日斯既實表更姓之符是以始創義師紫雲曜彩肇惟
尊主黃龍負舟楫夫素輦梯山以至白環玉玦慕德而
臻若夫安國字氓本因萬物之志時乘御宇良會樂推
之心七百無常期皇王非一族晉木德既季而傳祚於
我有梁天之厯數允集明哲式遵前典廣詢羣議王公

卿尹莫不攸屬敬從人祗之願授帝位於爾躬四海困窮天祿永終王其允執厥中軌儀前式以副溥天之望禋祀上帝時膺大禮永固洪業豈不盛歟

陳公九錫文

大哉乾元資日月以貞觀至哉坤元憑山川以載物故惟天為大陟配者欽明惟王建國翼輔者齊聖是以文武之佐礚谿蘊其玉璜堯舜之臣潞河鏤其金版況乎體得一之鴻姿寧陽九之危厄拯橫流於碣石撲燎火

於崑崙驅馭於韋彭跨蹏於秦晉神功行而靡用聖道
運而無名者乎今將授公典策其敬聽朕命日者昊天
不弔鍾虜於我國家網漏吞舟強胡內鼎茫茫宇宙慄
慄黎元方足圓顱萬不遺一太清否亢橋山之痛已深
太寶叱如平陽之禍相繼上宰膺運康救兆民鞠旅於
滇池之南揚旌於桂嶺之北懸三光於已墜謚四海於
羣飛屠猳獠於中原斲鯨鯢於濛汜蕩寧上國光啓中
興此則公之大造於皇家者也既而天未悔禍夷醜薦

臻南夏崩騰西京蕩覆羣胡孔熾藉亂乘間推納藩枝
盜假神器冢司昏撓引寇讎既見貶於桐宮方謀危
於漢閣皇運已殆何殊贅旒中國搖然非徒如綫公赫
然投袂匡救本朝復莒齊都平戎王室朕所以還膺寶
厯重履宸居挹建武之風猷歌宣王之雅頌此又公之
再造於皇家者也公應務之初登庸惟始三川五嶺莫
不窺臨銀洞珠宮所在寧謐孫盧肇蒙越貊為災番部
陷危勢將淪殄公赤旗所指妖壘洞開白羽纔搗兇徒

紛潰非其神武久喪南藩此又公之功也大同之末邊
政不脩李賁狂迷竊我交愛敢稱大號驕恣甚於尉佗
據有連州雄豪熾於梁碩公英謨雄算電掃風行馳御
樓船直跨滄海新昌典澈備歷艱難蘇歷嘉寧盡為京
觀三山獠洞八角蠻陬邈矣水寓之鄉悠哉火山之國
馬援之所不屈陶璜之所未開莫不懼我王靈爭朝邊
候歸琛天府獻狀鴻臚此又公之功也自寇虜臨江宮
闈幽辱公枕戈嘗膽提劍撫心氣涌青霄神飛紫闥而

番禺連率本自諸夷言得其朋是懷同惡公仗此忠誠
乘機勦定執沛令而釁鼓平新野而據鞍此又公之功
也世道初艱方隅多難勲門桀黠作亂衡疑兵切池隍
衆魚夷獠公以國盜邊警知無不為恤是同盟誅其醜類
莫不魚驚鳥散面縛頭懸南土黔黎重保蘇息此又公
之功也長驅嶺嶠夢想京畿緣道酋豪遞為榛梗路養
渠率全據大都蓄聚逋逃方謀阻亂百樓不戰雲梯之
所未窺萬弩齊張高輶之所非敵公龍驤虎步嘯吒風

雲山靡堅城野無強陣清妖氛於瀨石滅沴氣於雩都
此又公之功也遷仕兇慝屯據大臯乞活類馬騰之軍
流民多杜歿之衆推鋒轉鬪自北徂南頻歲稽誅實惟
勛虜公坐揮三畧遙制六奇義勇同心貔貅騁力雷奔
電掣谷靜山空列郡無犬吠之驚叢祠罷狐鳴之盜此
又公之功也王師討虜次居淪波兵乏兼儲士有飢色
公回麾蠡澤積穀巴丘億庾之詠斯豐壺漿之迎是衆
軍民轉漕曾無砥柱之難舳艫相望如運教倉之府犀

梁貝冑顧茂雷霆高艦層樓仰捫霄漢故使三軍勇銳
百戰無前承此兵糧遂殄兇逆此又公之功也若夫英
圖邁俗義旅如雲湓壘猜攜用掩戎畧公志唯同獎師
克在和鵠塞非虞鴻門是會若晉侯之誓白水如蕭王
之推赤心屈體交盟人祇感咽故使舟師並路遠邇同
心此又公之功也姑熟襟要峭函阻憑寇虜據其關梁
大盜負其扁鵲公一校裁撫三雄並奮左賢右角沙潰
土崩木甲殪於中原殫裘赴於江水他他藉藉萬計千

羣鄂坂之隘斯開夷庚之道無塞此又公之功也義軍
大衆俱集帝京逆豎兇徒猶屯皇邑若夫表裏山河金
湯險固疏龍首以抗殿掄華岳以為城雜虜憑焉強兵
自若公回茲地軸抗此天羅曾不崇朝俾無遺噍軍容
甚穆國政方脩物重觀於衣冠民還瞻於禮樂楚人滿
道爭觀於葉公漢老銜悲俱觀於司隸此又公之功也
內難初靖諸侯出關外郡傳烽鮮卑犯塞莫非且渠當
戶中貴名王冀馬列於淮南胡笳動於徐北公舟師步

甲亘野橫江殲厥羣羝遂殫封豨莫不絳木而止戎車
靡遺遇寧而還歸驂盡殪此又公之功也公克黜禍難
勛勞王室而孫寘之黨翻啟狄心伊洛之間咸為虜戌
雖金陵佳氣石壘天嚴朝暗戎塵夜誼胡鼓公三籌既
畫八陣斯張裁舉靈鈺亦抽金僕咸俘醜類悉反高墉
異李廣之皆誅同龐元之盡赦此又公之功也任約叛
換梟聲不悛戎羯貪婪狼心無改穹廬毳幕抵北闕而
為營烏孫天馬指東都而成陣公左甄右落箕張翼舒

埽是櫓槍驅其獫狁長狄之種埋於國門椎髻之囚烹
於軍市投秦坑而盡沸咽雖水而不流此又公之功也
一相居中自折彛鼎五湖小守妄懷同惡公夙駕兼道
秉羽杖戈玉斧將揮金鉏且戒妖酋震懾遽請灰釘爇
櫬以表其含弘焚書以安其反側此又公之功也賊龕
兇橫陵虐具區阻兵安忍憑災怙亂自古蟲言鳥迹混
沌洪荒凡或虔劉未此殘酷公雖宗居汝潁世寓東南
育聖誕賢之鄉含章挺生之地眷言桑梓公私憤切卓

爾英狀承規奉算戮此大慙如烹小鮮此又公之功也
亂離永久羣盜孔多浙左兇渠連兵構逆豈止千兵五
校白雀黃龍而已哉公以中軍無率選是親賢奸寇途
窮灌然冰泮刑塘之所文命動其大威雷門之間句踐
行其嚴戮英規聖迹異代同風此又公之功也同姓有
扈頑凶不賓憑藉宗盟圖危社稷觀兵滙澤勢震京師
驅率南蠻已為東帝公論兵於廟堂之上決勝於尊俎
之間寇賈樊滕浮江下瀨一朝揃撲無待旬師萬里澄

清非勞新息此又公之功也豫章妖寇依憑山澤繕甲
完聚各歷歲時結縱連橫爰洎交廣呂嘉既獲吳渙已
鏖命我還師征其不恪連營盡拔偽黨斯擒曜聖武於
匡山回神旌於蠡派此又公之功也自八紘九野瓜剖
豆分竊帝偷王連州比縣公武靈已暢文德又宣折簡
馳書風猷斯遠至於蒼蒼浴日杳杳無雷北洎丈夫之
鄉南踰女子之國莫不屈膝膜拜求吏欸關此又公之
功也京師禍亂亟積寒暄雙闕低昂九門寥豁寧秦宮

之可顧豈魯殿之猶存五都簪弁百僚卿士胡服纓纓
咸為戎俗高冠厚履希復華風宋微子麥穗之歌周大
夫黍離之歎方之於斯未足為悲矣公求衣昧旦旻食
高春興構宮闈具瞻遐邇膠庠宗稷之典六符十等之
章還聞泰始之風流重睹永平之遺事此又公之功也
公有濟天下之勲重之以明德凝神體道合德符天用
百姓以為心隨萬幾而成務恥一物非唐虞之民歸含
靈於仁壽之域上德不德無為以為夏長春生顯仁藏

用忠信為寶風雨弗憊仁惠為基牛羊勿踐功成治定
樂奏咸雲安上治民禮兼文質物色丘園衣裾里巷朝
多君子野無遺賢菽粟同水火之饒工商富猗頓之旅
是以天無蘊寶地有呈祥滴露卿雲朝團曉映山車澤
馬服御登閑既景煥於圖書方歲凝於史牒高勲踰於
象緯積德冠於蒿華固無得而稱者矣朕又聞之前王
宰世茂賞尊賢式樹蕃長總征羣伯二南崇絕四履遐
曠泱泱表海昨土惟齊巖巖泰山俾侯於魯抑又勤王

反鄭夾輔遷周召伯之命斯隆河陽之禮咸備況復經
營宇宙豈惟斷鼇足之功弘濟蒼生非直鑿龍門之險
而酬庸報德寂爾無聞朕所以垂拱當宇載懷慙悖者
也今授公相國以南豫州之陳留南丹陽宣城揚州之
吳興東陽新安新寧南徐州之義興江州之鄱陽臨川
十郡封公為陳公錫茲青土苴以白茅爰定爾邦用建
冢社昔旦奭分陝俱為師保晉鄭諸侯咸作卿士兼其
內外禮實攸宜今命使持節兼太尉王通授相國印綬

陳公璽紱使持節兼司空王瑒授陳公茅土金獸符第一至第五左竹使符第一至第十相國秩踰三鉉任總百司位絕朝班禮由事革其以相國總百揆除錄尚書之號上所假節侍中貂蟬中書監印章中外都督太傅印綬義興公印策其鎮衛大將軍揚州牧如故又加公九錫其敬聽後命以公禮為禎翰律等銜策四維皆舉八柄有章是用錫公大輅戎輅各一玄牡二駟以公賤寶崇穀疏爵待農室富京域民知榮辱是用錫公衮冕

之服赤舄副焉以公調理陰陽燮諧風雅三靈允降萬國同和是用錫公軒縣之樂六佾之舞以公宣導王猷弘闡風教光景所照鞮象必通是用錫公朱戶以居以公抑揚清濁褒德進賢髦士盈朝幽人虛谷是用錫公納陛以登以公凝然廊廟為世鎔範折衝四表臨御八荒是用錫公武賁之士三百人以公執茲明罰期在刑措象恭無赦干紀必誅是用錫公斧鉞各一以公英猷遠量跨厲嵩溟混一車書括囊寰宇是用錫公彤弓一

彤矢百旅弓十旅矢千以公天經地義貫徹幽明春露
秋霜允恭染盛是用錫公鉅鬯一卣圭瓚副焉陳國置
丞相以下一遵舊式往欽哉其恭循朕命克相皇天弘
建邦家允興洪業以光我高祖之休命

璽書

陳武帝下州郡璽書

夫三正革代商周所以應天五勝相推軒義所以當運
梁德不造喪亂積年東夏奔騰西都蕩覆蕭勃干紀非

惟趙倫侯景滔天逾於劉載貞陽反篡賊約連兵江左
累屬於鮮卑金陵久非於梁國自有氤氲混沌之世龍
圖鳳紀之前東漢興平之初西朝永嘉之亂天下分崩
未有若於梁朝者也朕以虛薄屬當興運自昔登庸首
清諸越徐聞浪泊靡不征行浮海乘山所在戡定冒遡
風塵騁馳師旅六延梁祀十翦强寇豈曰人謀皆由天
啟梁氏以天祿斯改期運永終欽若唐虞推其昌玉朕
東西退讓拜手陳辭避舜子於箕山之陽求支伯於滄

洲之野而公卿敦逼率土翹惶天命難稽遂享嘉祚今
月乙亥升禮大壇言念遷祠但有懋德自梁氏將末頻
月亢陽火運斯終秋霖奄降翌日成禮圓丘宿設埃雲
晚霽星象夜張朝景重輪泣三危之膏露晨光合璧帶
五色之卿雲顧惟寡薄彌慙休祉昧旦丕顯方思致治
卿等擁旄方岳相任股肱剖符名字方寄恤隱王厯維
新念有欣慶想深求民瘼務在廉平愛惠以撫孤貧威
刑以禦強猾若有萑蒲之盜或犯戎商山谷之酋擅強

幽險皆從肆赦咸使聞知如或迷途俾在無貸今遣使人具宣往旨念思善政副此虛懷

梁禪陳璽書

君子者自昭明德達人者先天弗違故能進退咸亨動靜元吉朕雖蒙寡庶乎景行何則三才剖判九有區分情性相乖亂離云起是以建彼司牧推乎聖賢授受者任其時來皇王者本非一族人謀是與屈已從萬物之心天意斯歸鞠躬奉百靈之命謳歌所往則攘袂以膺

之菁華已竭乃褰裳而去之昔在唐虞鑒於天道舉其
黎獻授彼明哲雖復質文殊軌沿革不同歷代因循斯
世靡替我大梁所以考庸太室接禮貳宮月正元日受
終文祖但運不常夷道無恒泰山岳傾偃河海沸騰電
目雷聲之禽鉤爪鋸牙之獸咀齧含生不知紀極二后
英聖相承在天六夷貪狡爭侵中國縣王都帝人懷干
紀一民尺土皆非梁地朕以不造幼罹閔凶仰憑衡佐
亟移年序周成漢惠邈矣無階惟是童蒙必貽顛蹶若

使時無聖哲世靡艱難猶當高蹈於滄洲自求於支伯
者矣惟王應期誕秀開籙握圖性道故其難聞嘉庸已
其被物乾行同其燾覆日御比其貞明登承聖於復禹
之功樹鞠子於興周之業滅陸渾於伊洛殲驪戎於鎬
京大小二震之驍徒東南兩越之勅寇遽行天討無遺
神策於是祖述堯舜憲章文武大樂與天地同和大禮
與天地同節鼓之以雷霆潤之以風雨仁霑蔭葦信及
豚魚殷牖斯空夏臺虛設民惟大畜野有同人升平頌

平無偏無黨固以雲飛紫蓋水躍黃龍東伐西征晻映
川陸榮光曖曖已冒郊廛甘露瀼瀼亟流庭苑車轍馬
迹誰不率從蟠木流沙誰不懷德祥圖遠至非惟亦伏
之符靈命昭然何止黃星之氣海口河目聖賢之表既
彰握旄執鉞君人之狀斯偉且自攝提無紀孟陬殄滅
枉矢宵飛天弧曉映久矣夷羊之在牧時哉蛟龍之出
泉革運之兆咸徵惟新之符並集朕以欽若勛華屢迴
星琯昔者木運斯盡予高祖受焉今歷去炎精神歸樞

紐敬以火德傳於爾陳遠鑒前王近謀羣辟明靈有悅
率土同心今遣使持節兼太保侍中尚書左僕射平樂
亭侯王通兼太尉司徒左長使王瑒奉皇帝璽綬受終
之禮一依唐虞故事王其時陟元后寧育兆民光闡洪
猷以承昊天之休命

徐孝穆集箋注卷六

欽定四庫全書

徐孝穆集箋注卷六備考

吳江徐文炳註

陳武帝即位詔

漢律歷志土生金故為金德金生水故為水德水生木故為木德木生火故為火德火生土故為土德
漢劉向傳三統注張晏曰一曰天統謂周建子為正二曰地統謂殷建丑為正三曰人統謂夏建寅為正
傳尼常歎曰滄海橫流處處不安也任昉表千載一逢再造難荅禮記大道之行也天下為公選賢與能
書大誥若涉淵水
予惟往求朕攸濟

梁禪陳詔

班固典引經緯乾坤出入三光注三光日月星也史
岑出師頌渾一區宇秦始皇本紀更名民曰黔首應
劬曰黔亦黎黑也左傳中色胥曰吳為封豕長蛇洊
食上國陳武帝紀貞陽侯明即位改元天成老子
天下神器不可以有為為者敗之書七世之廟可以
觀德左傳師曠對曰匱神乏祀易鼎君子以正位
凝命公羊傳君若贅旒然詩維嶽降神生甫及申
書民隆塗炭後漢曹褒傳詔曰漢遭秦餘禮壞樂
崩世本西王母慕舜之德乃獻白環及珎韓詩外
傳周公居攝二年制禮作樂天下和平越裳氏以三家
重譯而獻白雉史記若煙非煙若雲非雲郁郁紛紛
蕭索輪囷是謂慶雲陳文帝紀注甘露醴泉衆瑞並
出陳書武帝紀梁紹泰二年三月自去冬至是甘露頻
降於鍾山梅岡南潤及京口江寧縣境或至三數升大

如奕恭子

漢公孫弘策嘉禾興朱草生此和之至也

呂氏春秋

虞舜卿雲歌曰卿雲爛兮糺縵縵兮日月

光華旦復旦兮

左傳晉文公請隧弗許曰王章也未

有代德而有二王亦叔父之所惡也後漢竇融傳臣融

有子年十五不得

令觀天文見讖記

陳公九錫詔

漢王莽傳張純等曰謹以六莢通義經文
所見周官禮記宜於今者為九命之錫臣

請錫命

奏可

後漢張衡靈憲賦元氣剖判剛柔始分清濁異位天成

於外地定於內又太素之前寂莫冥默不可為象班固

典引太極之原兩儀始分煙煙氤氲管子桓公九合

諸侯一匡天下天子賞以渠門赤旂左傳云天王出

居於鄭僖公二十五年晉侯辭秦師而下三月甲辰次

於陽樊右師圍溫左師逆王夏四月丁巳王入于王城

取大叔于溫殺之於隰城戊午晉侯朝王王饗醴命之
宥與之陽樊溫原攢茅之田晉於是始啟南陽陳武
帝紀太平元年九月帝進封義興郡公二年八月帝進位
太傅隋書揚州毗陵郡義興縣注舊曰陽羨置義興郡
書乃聖乃神乃武乃文論語固天縱之將聖又天
生德於予漢書項羽嘗攻襄城襄城無噍類窮牢
未詳按董卓傳縱放兵士剽虜資物謂之搜牢注言牢
固者皆搜索取之魏畧侍中陳羣尚書桓階奏曰諸
明圖緯者皆言漢行氣盡黃家當興殿下應期十分天
下而有其九以服事虞木華海賦戲廣浮深劉向
新序扶傷舉死履腸涉血陳武帝紀江寧今陳嗣等據
姑孰不從帝命侯安都等討平之聚其首為京觀漢
陳平傳天下指揮即定家語冠頌六合是式詩下
武維周大選注三靈天地人也左傳衛太叔文子
曰今甯子視君不如奕慕張協賦慕布星羅梁敬帝
紀僧辯納貞陽侯明即偽位以帝為皇太子書金滕惟

子冲人弗及知左傳齊陳乞弑其君荼鮑子曰女忘
君之為鴆子牛而折其齒乎而背之也左傳衛子鮮
以公命與甯喜言公曰苟反政由甯氏祭則寡人班
固諸侯王表有逃責之臺被竊鉄之言然天下謂之共主
強人弗之敢傾陸機辯亡論神兵東驅奮寡犯衆
梁敬帝紀司空陳霸先襲殺王僧辯黜蕭明而奉帝
南史杜龕傳貞陽侯明以龕為震州刺史吳興太守龕
僧辯婿也僧辯敗龕乃據吳興以拒之部將杜泰降陳
文帝龕尚醉不覺文帝斬之南史張彪少亡命為盜
頗有部曲王僧辯遇之甚厚引為爪牙與杜龕相似世
謂張杜為東揚州刺史會僧辯見害時陳文帝已據震
澤將及會稽彪將沈泰吳寶真等叛迎文帝彪遂敗走
文帝遣劫殺之隋書揚州南海郡南海縣注舊分置
番禺縣荊州九江郡浚城縣注有彭蠡湖左傳邾子
曰命在養民死之長短時也尚書中候黃帝時鳳皇
巢阿閣麒麟在囿蔡邕琴操周成王琴歌曰鳳皇翔兮

欽定四庫全書

卷六備考

紫庭抱朴子鳳頭上青戴仁足下黃蹈信呂氏春秋
北方曰玄天淮南子古有鑿頭而卷領以王天下紫
辭黃帝堯舜垂衣裳而天下治齊世家會諸侯於葵
丘周襄王使宰孔賜桓公文武胙彤弓矢大輅命無拜
左傳天王狩于河陽晉侯獻楚俘于王王策命晉侯為
侯伯賜之大輅之服戎輅之服彤弓一彤矢百旅弓矢
千拒鬯一卣虎賁三百人漢王陵傳平謝曰宰相者
上佐天子理陰陽順四時蕭曹傳替二人同心遂安海
內謝朓詩霸功興寓縣周禮司勳掌六卿賞地之
法以等其功舜典若稽古帝舜曰重華堯典釐降二
女子嬀汭嬪于虞左傳史趙曰威德必百世祀又卜
偃曰公侯之子孫必復其始周本紀古公亶父復脩
后稷公劉之業積德行義國人皆戴之堯典乃命羲和
欽若昊天太史公自序重黎氏世序天地魏志天子
使魏公位在諸侯王上改授金璽赤紱遠避冠後漢興
服志遠避冠制如通天有展甯橫之於前無山述諸王

所服也漢書諸侯王高帝初置金璽蓋綬如淳曰蓋綠也
晉灼曰蓋草名也似艾可染綠因以為綬名蓋音庚
宋州郡志順帝昇明元
年改揚州刺史曰牧

進武帝為長城公詔

陳武帝紀元帝承制授帝征北大將軍開府儀同三司
南徐州刺史進封長城縣公承聖三年正月進帝位司
空隋書揚州吳郡領長城縣詳九錫文左傳高陽氏
有才子八人明允薦誠漢張耳傳南有五嶺之戎注
大庾始安臨賀桂陽揭陽也陳武帝紀太清二年冬
侯景寇逼帝將赴援遣杜僧明胡款將二千人頓於嶺
上并厚結始興豪傑同謀義舉祭統衛孔悝之鼎銘
悝拜稽首曰對揚以辟之勤大命施於烝彝鼎周禮
司勳凡有功者銘書於王之大常漢書高祖初起禱
豐粉榆社樊噲傳噲曰始陛下與臣等起豐沛定天下

何其壯也

後漢班超傳疏曰代馬依風

左傳趙穿

怒曰褭羗坐甲固敵是求敵至不擊將何俟焉

晉漢

春秋氏池縣大柳谷口有蒼

石立水中其文曰大討曹

陳文帝登祚尊皇太后詔

陳后妃傳武帝章皇后諱要

明為章氏所養因改姓武帝先娶同郡錢仲方女早
卒後乃聘后永定元年立為皇后武帝崩后與中書
舍人蔡景歷定計召文帝及即位尊后為
皇太后官曰慈訓大建二年崩謚曰宣

後漢明帝紀制曰朕以虛薄何以享斯
王昌字敬業武帝第六子也景平拜長城國世子吳興
太守魏克荆州與宣帝俱遷長安武帝即位頻遣使請
宣帝及昌周人許而未遣及武帝崩乃遣之時王琳作
梗中流昌不得還居於安陸天嘉元年封衡陽郡王入
境濟江於中流殞之使以溺告謚曰獻
漢書代王令

張武等六人乘六乘傳詣長安魏隸高士傳許由字仲武堯舜致天下而讓焉乃退而遜耕於中岳潁水之陽箕山之下晉書百僚稱上尊號中宗慨然流涕曰吾本琅邪王諸賢見逼不已乃呼私奴命駕將返國書洛誥周公拜手稽首曰朕復子明辟左傳宋穆公疾召大司馬而屬殤公馬曰先君舍與夷而立寡人寡人弗敢忘若以大夫之靈得保首領以沒先君若問與夷其將何辭以對

封始興王詔

南史始興王伯茂字鬱之文帝第二子也文帝即位封伯茂為始興王

穀梁傳兄弟天倫也漢高帝紀六年以碭郡薛郡邾郡三十六縣立弟文信君交為楚王交高祖同父少弟也以雲中雁門代郡五十三縣立兄宜信侯喜為代王喜即仲也周禮疏天子謂之帝系諸侯謂之世本詳登祚詔國語蠻夷要服戎狄荒服祭義霜露既降君子履之必有悽愴之心商頌寢成孔安說苑吾丘

子擁鎌戴索而哭對孔子曰樹欲靜而風不定子欲養而親不在往而不來者年也不可得更見者親也後漢地理志章陵故舂陵世祖更名明帝紀車駕從皇太后幸章陵觀舊廬陳宣帝紀光大二年十一月慈訓太后黜廢帝為臨海王以帝入繼皇統隋書南海郡曲江縣注舊置始興郡

為陳武帝即位告天文

湯詒敢用玄牡敢昭告于上天神后詩皇皇后帝左傳云天生民而立之君使司牧之蜀志譙周問杜瓊曰昔周微君羣以為當塗高者魏也其義何也瓊曰魏闕名也當塗言高聖人取類言爾又周嘗書版示文王曰典午忽兮月酉沒兮典午者謂司馬也月酉者謂八月也至八月而司馬文王崩詳策文左傳伍員諫吳子曰少康使女艾諜澆使季杼誘豷遂滅過戈復禹之績祀夏配天不失舊物左傳楚子投袂而起易坤

靈圖至德之萌日月若連璧也漢天文志漢元年十月五星聚於東井此高皇帝受命之符也纂要云五星謂之五緯魏文帝紀初漢熹平五年黃龍見譙太史令單颺曰其國後當有王者興不及五十年亦當復見陳武帝紀太平元年九月丁未中散大夫王彭賡稱今月五日平旦於御路見龍迹自大社至象闕亘三四里張衡靈憲賦地有九域山川賈誼過秦論有并吞八荒之心左傳襄公十一年同盟於亳載書曰羣神羣祀繫辭聖人之大寶曰位皋陶謨一日二日萬幾陳武帝紀梁帝遜於別宮帝謙讓再三羣臣固請乃許之書成湯放桀於南巢惟有慙德

梁禪陳策文

三皇本紀自人皇已後有五龍氏燧人氏大庭氏栢皇氏中央氏卷須氏栗陸氏驪連氏赫胥氏尊盧氏混沌

欽定四庫全書

卷六備考

氏吳英氏有巢氏朱襄氏葛天氏陰康氏無懷氏蓋三
皇已來有天下者之號莊子容成氏大庭氏結繩而
用之晉衛恒書勢黃帝之史沮誦蒼頡眺彼鳥迹始作
書契古逸詩伯牙水僊操序山林宵冥書五子之
歌凜乎若朽索之馭六馬孟子舜視棄天下猶棄敝
屣也逸士傳堯之讓許由也由以告巢父巢父曰汝
何不隱汝形藏汝光非吾友也乃擊其膺而下之許由
悵然不自得乃遇清冷之水洗其耳拭其目曰向者聞
言負吾友遂去終身不相見高士傳善卷者舜以天
下讓之卷遂入深山黃錄黃帝坐玄扈洛上與大司
馬容光左右輔周昌等百二十人臨觀鳳皇銜圖置帝
前圖以黃金為押書在璇璣玉衡以齊七政徐廣與
服志天子輅金根車竹書紀年舜設壇于河依堯故
事至於下舛榮光休至黃龍負圖出於壇畔帝王世
紀後年二月堯率羣臣刻壁為書東沈洛水竹書紀
年帝戴歌曰蓂乎鼓之軒乎舞之菁華已竭褰裳去之

書大禹謨帝曰格汝禹朕宅帝位三十有三載耄期
倦于勤汝惟不怠總朕師尚書大傳十有四祀鍾石
笙簧變聲樂未罷疾風發屋天大雷雨帝沈首而笑曰
明哉一人天下也乃見於鍾石尚書大傳謗然作大
唐之歌按南史本作謗非司馬相如封禪文晬昧昭
晰後漢獻帝紀建安二十五年三月改元延康冬十
月皇帝遜位魏王丕稱天子奉帝為山陽公魏志陳留
王延熙二年二月使使者奉皇帝璽綬冊禪位於晉嗣
王如漢魏故事宋武帝紀晉琅邪王元熙二年六月禪
位於宋改元永初封晉帝為零陵王齊高帝紀宋順帝
昇平三年四月帝禪位於齊改元建元封宋帝為汝陰
王梁武帝紀齊和帝中興二年四月下詔禪位改元天
建封齊帝為巴陵王吳志賀齊傳齊曰殿下以神武
應期廓開王業漢匈奴傳王室遂衰戎狄交侵泉
古暨字後漢宦者傳論魏武因之遂遷龜鼎老子
聖人在天下慄慄為天下禪其心注慄慄常恐怖也後

漢寒朗傳贊慄慄楚黎詳梁禪陳詔書百姓慄慄若
崩厥角書次五曰建用皇極東觀漢記日角偃月
相之極貴晉書載記慕容德額有日角偃月重文洛書
黑帝子湯長八尺一寸珠庭宋武帝紀桓玄妻劉氏
謂玄曰劉裕龍行虎步恐必不為人下漢書宣帝紀
昭帝崩母嗣大將軍霍光請皇后徵昌邑王賀王受皇
帝璽綬光奏王賀淫亂請廢高后紀立恒山王弘為皇
帝大臣相與陰謀以為少帝及三弟為王者皆非孝惠
子復共誅之尊立文帝賈誼疏冠雖敝不以苴履漢
書項氏畔換師古曰畔換猶言跋扈也書無遠弗届
尚書大傳舜時蛟魚躍踊于其淵遷虞而事夏也
左傳申須曰豈所以除舊布新也漢五行志董仲舒以
為比食又既象陽將絕夷狄主上國之象也陳武帝
紀侯景登石頭城密謂左右曰此軍中有紫氣不易可
當又帝進軍頓西昌有黃龍見水濱家語武王克商
肅慎氏貢楛矢石砮詳梁禪陳詔老子聖人處上而

民不重處前而民不害是以天下樂推而不厭左傳
王孫滿曰周卜世三十卜年七百漢劉向疏王者必通
三統明天命所授者博非獨一姓
也南史阮孝緒傳齊為木行

陳公九錫文

尚書中候王至磻溪之水呂尚釣於崖王下拜尚荅曰
得玉璜刻曰姬受命呂佐檢德來昌來提撰爾維鈴報
在齊及佐周克殷封於齊吳越春秋禹案黃帝中經
曰在九疑山東南天柱號曰委宛其書金簡青玉為字
禹乃求之夢赤繡衣男子自稱玄夷蒼水使者候禹
令齊三日禹乃得書言治水之要老子侯王得一而
天下正漢書陽九厄曰初入百六陽九禹貢至于
碣石入于海孟子洪水橫流書火災昆岡玉石俱焚
漢書注師古曰豕韋國彭姓左傳秦伯西戎晉主
東夏齊王融曲水詩序跨躐昌姬漢酷吏傳序網漏

於吞舟之魚 詩內巽于中國覃及鬼方 晉陸機功

臣頌茫茫宇宙上塲下蹟 莊子圓臚方趾 南史梁

武帝太清三年崩列仙傳軒轅自擇亡日與羣臣辭還

葬橋山山崩棺空惟有劍舄在棺焉 南史簡文帝大

寶二年崩晉書漢主劉聰陷洛陽遷懷帝於平陽太子

業即位於長安是為愍帝劉曜陷長安送帝於平陽皆

遇害 華陽國志滇池縣有大澤周回二百里似如倒

流故俗曰滇池 山海經桂林有八樹在番禺東隋書

熙平郡桂嶺縣注舊曰興安開皇十八年改名悉非

揚雄劇秦美新海水羣飛注喻大亂也 淮南子堯使

羿殺窫窳斷修蛇擒封豨萬民大悅 左傳楚子曰古

者明王伐不敬取其鯨鯢而封之於是乎有京觀淮南

子曰曙於蒙谷之浦注蒙谷蒙汜之水也 南史相東

王繹承制授霸先交州刺史尋改南江州刺史與王僧

辯擊斬侯景 殷本紀伊尹放太甲於桐宮 漢金日

磾傳莽何羅裹白刃從東廂上見日磾色變行觸寶瑟

僵日磔胡投何羅殿下得擒縛之公羊傳中國不
絕若縋也戰國策王孫賈入市呼曰漳齒亂齊國殺
潞王欲與我誅之者袒右乃攻漳齒殺之求潞王子法
章共立以為齊王保莒城以拒燕軍左傳齊侯使管
夷吾平戎於王王以上卿之禮饗管仲南史西魏遣
于謹入江陵執元帝霸先與王僧辯迎元帝子方智至
建業承制齊遣高渙送淵明來主梁嗣僧辯納之以方
智為太子霸先殺僧辯廢淵明復立方智是為敬帝
南史孫罔盧子雄討李賁衆潰而歸武林侯諮誣奏罔
等逗留賜死子雄弟子畧及杜僧佑周文育等率衆攻
廣州參軍陳霸先帥精甲三千擊破之釋僧佑文育為
主帥國語吳晉會于黃池吳王赤旗赤羽之增望之
如火陸機漢高祖功臣頌胡馬洞開家語子路曰
願得白羽若月赤羽若日左傳民逃其上曰潰魏
王粲從軍詩所從神且武焉得久勞師南史武帝大
同十年李賁自稱越帝置百官以霸先為交州司馬與

交州刺史楊暉討賁賁敗奔嘉寧城復率衆出也典澈
湖霸先乘流先進賁衆大潰竄入屈獠洞屈獠斬賁賁
兄天寶收餘兵圍愛州霸先討平之陳書武帝紀十一
年六月兵至交州賁衆數萬於蘇歷江口立城柵以拒
官軍暉推高祖為前鋒所向摧陷賁走典澈湖於屈獠
界立砦隋書揚州交趾郡注舊曰交州九真郡注梁
置愛州漢書南海尉任囂病且死召龍川令趙佗行
南海尉事高祖定天下遣陸賈立佗為南粵王其後佗
乃自尊號南武帝陳琳檄吳大跨州連郡有威有名
十有餘輩未詳按通鑑黃門郎史淑自長安奔涼州
稱愍帝出降前一日使淑齎詔賜張寔拜涼州牧承制
行事先是長安謠曰秦川中血沒腕惟有涼州倚柱觀
及漢兵覆關中氐羌掠隴右雍秦之民死者什八九獨
涼州安全推曰晉王琮傳初新昌太守梁碩自領交
趾晉地理志新昌郡吳置宋州郡志越雋太守缺
蘇利長隋書交趾郡領嘉寧縣左思魏都賦蠻陬夷

落注陬聚也後漢南匈奴傳其大臣貴者左賢王次左
谷蠡王次右賢王次右谷蠡王謂之四角次左右日逐
王次左右溫禺鞹王次左右斬將王是為六角皆單于
子弟次第當為單于者也陸機詩余固水鄉士東
方朔神異經南荒之外有火山晝夜火然廣州記馬
援討平交趾於嶠南立銅柱以表漢之極界晉書交
州牧陶璜上言交廣東西數千里不賓屬者六萬餘戶
服官役纔五千餘家二州脣齒惟兵是鎮後漢竇融
傳贊王靈以宣王中頭陀寺碑炎區九譯沙場一候
注一候者言少邊患周禮天府掌祖宗之守藏與其
禁令後漢百官志大鴻臚掌諸侯及四方歸義蠻夷
晉劉琨傳琨枕戈待旦吳越春秋句踐反國飲食必
嘗膽漢高帝紀吾以布衣提三尺劍取天下酷吏傳
大將軍光因舉手自撫心曰使我至今病惛淮南子
鴻鵠背負青天膺摩赤霄陸機辯亡論反帝座於紫
闥陳武帝紀侯景寇逼帝將赴援廣州刺史元景仲

陰將圖帝帝與成州刺史王懷明等馳檄以討景仲景
仲鑑於閣下帝迎蕭勃鎮廣州易西南得朋左傳
韓宣子曰同惡相求如市賈焉漢書父老師子弟殺
沛令立高祖為沛公祠黃帝祭蚩尤於沛庭而釁鼓
後漢光武紀光武初騎牛殺新野尉乃得馬漢書貨
殖傳梁黠奴人之所患隋書永安郡注後齊置衡州澧
陽郡崇義縣注後周置衡州零陵郡營道縣注有九疑
山南史臨賀內史歐陽頔監衡州蘭裕蘭京禮扇誘始
興等十郡共攻頔霸先救之悉擒裕等仍監始興郡事
并厚結豪傑共謀義舉丘遲書魚遊於沸鼎之中漢
李陵傳陵曰各鳥獸散猶有得脫歸報天子者左傳晉州
緡緡殖緡中肩弛弓而自後縛之其右具丙亦舍兵而
縛郭最皆衿甲而縛坐於中軍之鼓下後漢鄭弘傳
政有仁惠民稱蘇息陳武帝紀蔡路養起兵據南康
時蕭勃鎮廣州遣心腹譚世遠為曲江令與路養相結
同遇義軍大寶元年帝發始興次大庾嶺大破路養軍

進頓南康帝發南康瀕石舊有二十四灘灘多巨石行旅以為難帝之發水暴起數丈三百里間巨石皆沒隋書揚州南康郡雩都縣注舊廢平陳置南康縣注舊曰賴書武成為天下逋逃主萃淵藪後漢公孫瓚傳兵法百樓不攻吾樓櫓千重食此谷足知天下事矣墨子公輸般為雲梯以攻宋墨子解帶為城以牒為械輸般九攻墨子九拒孫臏傳馬陵道狹而旁多阻隘可伏兵乃斫大樹白而書之曰龐涓死於此樹之下龐涓果夜至斫木下齊軍萬弩俱發涓乃自剄曰遂成孺子之名漢書淮南王安使陳喜枚赫作輶車後漢何進傳主簿陳琳曰今將軍龍驤虎步高下在心此猶鼓洪爐燎毛髮耳陳書武帝紀高州刺史李遷仕據大臯遣主帥杜平虜帥千人入瀕石魚梁又南史李遷仕遣主帥杜平虜將兵逼南康陳霸先遣周文育擊走之據其城遣任復擊南康霸先遣杜僧明等擒斬之蜀志馬騰子超率諸戎以擊隴上郡縣據冀城吏民梁寬等

欽定四庫全書

卷六備考

閉城門乃奔漢中依張魯聞先主圍成都密書請降
晉書流民四五萬家一時俱反以醴陵令杜茂為湘

州刺史李康運命論張良受黃石之符誦三畧之
說注上中下三計漢書陳平六出奇計後漢段熲

傳張奐又言羌一氣所生不可誅盡山谷廣大不可空
靜漢王溫舒傳溫舒為河內太守捕郡中豪猾相連

坐千餘家盡十二月郡中無犬吠之盜漢書陳勝吳
廣聚叢祠中夜篝火狐鳴呼曰大楚興陳勝王爾雅

天波為瀾小波為淪左思吳都賦器械兼儲注兼儲
蓄積也南史王僧辯乘勝下湓城霸先引兵三萬人

發南康進頓西昌會僧辯於湓城霸先有糧五十萬石
分三十萬以資僧辯于慶等皆棄城走詩我庾維億

孟子草食壺漿以迎王師漢書宣帝紀大司農中
丞耿壽昌奏設常平倉以給北邊省轉漕溝洫志漕從

山東西歲百餘萬石更砥柱之艱敗亡甚多漢武帝
紀舳艫千里注其船多前後相銜不絕又酈食其傳夫

敖倉天下轉輸久矣臣聞其下藏粟甚多 吳都賦戶有庠渠注盾名詩貝冑朱綬 左傳王子虎盟諸侯於

王庭要言曰皆獎王室又師克在和不在衆 梁元帝玄覽賦泂鵠塞於潯陽 漢書沛公從百餘騎至鴻門

謝羽 左傳公子曰所不與舅氏同心者有如白水 後漢書銅馬降蕭王輕騎入其營渠帥曰王推赤心置

人腹中安得不投服乎 南史湘東王命僧辯等東擊侯景舳艫數百里霸先率甲士三萬舟艦二千自南江

出湓口會僧辯築壇歃血共讀盟文流涕慷慨 漢外戚傳注師古曰扃短關也 漢書匈奴有左賢王右賢

王左傳晉中行穆子敗無終及羣狄於太原為五陳以相離兩於前伍於後專為右角參為左角偏為前拒以

誘之 漢鼂錯傳匈奴之革筍木薦弗能支孟康曰木薦以木版作如盾 漢匈奴傳自君王以下咸被旃裘

司馬相如上林賦他他藉藉填坑滿谷 晉惠帝紀永寧元年趙王倫篡位齊王冏起兵討倫成都王頴河

間王顯常山王又新野公歆皆舉兵應之倫遣其將孫
輔出鄂坂以拒冏左傳西鉏吾曰今將崇諸侯之姦
而披其地以塞夷庚注夷庚吳晉往來之道也南史
侯子鑒據姑孰南洲以拒西師僧辯等至子鑒帥步騎
挑戰又以鵠舸千艘載戰士僧辯麾細船皆退留大艦
夾泊兩岸子鑒之衆謂水軍欲退徑出趨之大艦斷其
歸路鼓譟大呼合戰江中子鑒大敗僅以身免左傳
子犯曰表裏山河必無害也漢蒯通傳金城湯池不
可攻也西京賦疏龍首以抗殿注龍首山名過秦
論斬華為城博物志地有三千六百軸禮記軍容
不入國後漢光武紀司隸官屬衣冠制度皆如舊儀
父老舊吏見之莫不垂涕悲喜左傳白公勝作亂葉
公至北門或遇之曰君胡不胄盜賊之矢若傷君是絕
民望也乃胄而進又遇一人曰君胡不胄國人若見君面是
得父也乃免胄而進南史景兵敗入柵其將盧暉畧
以石頭降僧辯入據之景與霸先殊死戰衝陣不動景

衆大潰南史齊將潘樂侵梁圍秦郡霸先與戰破之
斬首萬餘級晉書鮮卑東胡種名齊神武帝紀神武既
累世北邊故習其俗遂同鮮卑漢書注且渠當戶匈奴官名
漢李廣傳上使中貴人從廣服虔曰內臣之
貴幸者魏志梁習傳名王稽頽左傳司馬侯曰冀之
北土馬之所生晉劉琨傳中夜奏胡茄賊皆流涕左
傳逢丑父與公易位將及華泉驂絙於木而止左傳
戰於韓原晉戎馬還寧而止左傳襄十四年衛孫林
父甯殖出其君衍二十六年甯喜弑其君剽左傳疆
場無主則啓戎心南史廣陵衛人朱盛等潛聚黨謀
襲殺齊刺史溫仲邕遣使求援霸先因進軍圍廣陵齊
主來告曰請釋廣陵之圍必歸廣陵歷陽兩城霸先引
兵還京口江北之民從之濟江者萬餘口孫盛晉陽
秋秦始皇時望氣者言五百年後金陵之地有天子氣
於是改金陵曰秣陵晉書諸葛亮造八陣圖左傳
齊惠樂高之難公使王黑以靈姑鉞率請斷三尺焉而

用之 左傳乘丘之役公以金僕姑射南宮長萬 漢書李廣曰吾為隴西守羌常反吾誘降者八百餘人詐而同日殺之 南史譙秦刺史徐嗣徽南豫州刺史任約襲建康不克入於石頭以叛十一月齊遣兵援之霸先及齊人戰敗之嗣徽約奔齊 說苑談叢篇臬逢鴟臬曰我將東徙鴟曰何故臬曰鄉人皆惡我鳴以故東徙鴟曰子能更鳴可矣不能更鳴東徙猶惡子聲 左傳富辰曰狄固貪琳 左傳楚子文曰諺曰狼子野心 漢西域傳公主歌曰穹廬為室兮旃為牆 漢高帝紀蕭何治未央宮立東闕北闕前殿 漢書帝得烏孫馬好名曰天馬 晉書周訪討杜曾使李恒督左甄許朝督右甄 東京賦鸛鶴魚麗箕張翼舒 爾雅彗星為欃槍 詩薄伐獫狁 左傳獲長狄僑如埋其首於子駒之門 漢書李陵衛律皆胡服椎結 白起傳趙括軍敗卒四十萬人降起乃挾詐盡坑殺之 漢高帝紀羽敗漢兵睢水上水為之不流 易鼎折足 左傳公

尹路請曰君王命剝圭以為鉞秘敢請命詩鉞人伐
鼓說文云鉞鉞名似鈴柄中上下通所以止鼓魏畧
王凌自知罪重試索棺釘以觀太傅意太傅給之遂自
殺左傳許男面縛銜璧大夫衰經士與櫬楚子焚其
櫬禮而命之後漢光武紀誅王郎收文書得更人與
郎交關謗毀者數十章光武燒之曰令反側子自安
南史前青州刺史程靈洗率兵救僧辯力戰軍敗久之
乃降霸先義之左傳隱公四年衆仲曰州吁阻兵而
安忍左傳子桑曰史佚有言曰無始禍無怙亂無重
怒楊子洪荒之世詳梁禪陳文左傳呂相絕秦曰
虔劉我邊陲南史霸先吳興長城下若里人自云漢
太丘長寔之後左思蜀都賦揚雄含章而挺生詩
維桑與梓必恭敬止尚書元惡大憝老子治大國
如烹小鮮南史杜龕據吳興以叛霸先表自東討仍
還都命周文育進討龕龕以城降誅之後漢光武紀
五校賊帥高扈素紹傳紹擊賊劉石青牛角黃龍左校

郭大賢李大目于氏根等魏陳琳檄吳文七國之兵
瓦解冰泮水經注會稽山東有硎去禹廟七里深不
見底謂之禹井劉獻定軍禮吳王夫差啓蛇門以厭
越人越為雷門以懷之擊大鼓於雷門之下而蛇門聞
焉南史東揚州刺史張彪圍臨海太守王懷振於剡
巖霸先遣兄子荀周文育襲會稽討彪若邪村人斬彪
傳首建業漢吳王濞傳以袁盎為泰常使吳王聞袁
盎來笑而應曰我已為東帝尚誰拜晏子春秋不出
尊俎之間折衝千里之外寇恂賈復光武功臣樊噲
滕公夏侯嬰高帝功臣漢書武帝有下瀨將軍說
文揃滅也書盤庚其猶可撲滅周禮甸師王之同姓
有罪則死刑焉後漢馬援傳交趾女子徵則徵貳反
拜援為伏波將軍大破之封新息侯南史蕭勃起兵
於廣州遣歐陽頔及其將傅泰蕭孜為前軍南江州刺
史余孝頃以兵會之霸先命周文育由問道兼行據顏
及攷泰孝頃之間築城饗士頔等大駭文育遣周鐵虎

等衆願擒之。大育盛陳兵甲與願乘舟而宴。巡蹕口城下，使其徒丁法洪攻泰擒之。攷孝頃退走勃，軍聞之恟懼，遂殺勃。隋書揚州豫章郡豫章縣注：舊置豫章郡，左傳太叔完聚繕甲兵，隋書揚州南海郡注：舊置廣州，梁陳並置督府，漢書武帝時南粵相呂嘉反，秋命衛尉路博德為伏波將軍討之，得嘉為臨慕侯。又吳王濞兵敗亡走東越，東越鋌殺吳王威，其頭馳傳以聞。魏文帝紀：帝聞備兵東下，與權交戰，樹柵連營七百餘里，謂羣臣曰：「豈有七百里營可以拒敵者乎？」孫權上事，今至矣。後七日破，備書到，南史周文育送願等於建康，霸先釋而厚待之。攷孝頃猶據石頭，多設船艦夾水而陣，霸先遣侯安都助文育擊之。安都潛師燒其船，艦水陸攻之，攷出降。孝頃逃歸，霸先以願聲著，南土復以為衡州刺史，使討嶺南，未至，其子紇已克始興。願至諸郡，皆降，遂克廣州。淮南子：九州之外有八埏，八埏之外有八紘，八紘之外有八極。鮑昭蕪城賦：出入三

欽定四庫全書

卷六備考

代五百餘載竟瓜剖而豆分魏志注今曰設使國家
無有孤不知當幾人稱帝幾人稱王魏畧王凌面縛
水次曰卿特折簡召我我何敢不至而乃引兵來乎司
馬宣王曰以卿非折簡可呼故也晉陽秋劉弘為荊州
刺史咸曰得劉公一紙書賢於十部從事也淮南子
日出於陽谷谷於咸池西域傳無雷國王治廬城去
長安九千九百五十里淮南子凡海外三十六國自
西北至西南方有女子民丈夫民山海經丈夫國在維
鳥北其為人衣冠帶劍南史齊永元元年扶桑國有沙
門慧深來云扶桑東千餘里有女國二三月競入水則
任娠六七月產子女人胸前無乳頂後生毛根白毛中
有汁以乳子百日能行三四年則成人漢司馬相如
傳匈奴單于怖駭屈膝受之交臂請和穆天子傳乃膜
拜而受注今之胡人禮佛舉手加額稱南膜者即此也
朝珍漢書宣帝甘露二年匈奴呼韓邪款五原塞願奉國
南史敬帝太平二年領軍將軍徐度燒齊船舶

三千艘夏四月齊遣使通和漢張良傳沛公入秦宮
殿帷帳狗馬重寶婦女以千數欲留居之晉王延壽
魯靈光殿賦序靈光巋然獨存趙世家武靈王召樓
緩謀曰吾欲胡服莊子趙太子悝謂莊周曰吾主所見
劍士皆縵胡之纓漢王莽傳莽好厚履高冠以麓裝
衣尚書大傳微子朝周過殷故墟見麥秀之蘩薪芳
禾黍之蠅蠅也曰此故父母之國乃為麥秀之歌詩
彼黍離離南史侯景東奔王克開臺城門引袞之橫入
宮是夜遺燼燒太極殿及東西堂延閣祕署皆盡羽儀
輦輅莫有了遺書太甲先王昧爽丕顯坐以待旦淮
南子曰經於泉隅是謂高春書無逸文王自朝至于日
中昃不遑暇食用咸和萬民漢鄒陽傳孝文皇帝據關
入立寒心銷志不明求衣秦始皇帝年號永平後
漢明帝年號南史敬帝太平元年起雲龍神武門二
年繕廟堂供備祀典漢王吉傳跋一世之民躋之仁
壽之域老子上德不德是以有德詩敦彼行葦牛

欽定四庫全書

卷六備考

羊勿踐履 蔡邕獨斷黃帝樂曰雲門堯樂曰咸池漢書猗頓用鹽鹽起與王者埒富 揚雄太玄紫霓喬雲

晉張華傳妙達象緯 左傳楚子使與師言管仲對

曰賜我先君履東至於海西至於河南至於穆陵北至

於無棣又吳公子札來聘為之歌齊曰美哉決決乎大

風也哉表東海者其太公乎又衆仲曰胙之土而命之

氏又子犯曰求諸侯莫如勤王又展喜對曰昔周公太

公股肱周室夾輔成王 詩王命召虎式辟四方 三

皇本紀女媧鍊五色石以補天斷鼃足以立四極聚蘆

灰以止滔水 淮南子禹鑿龍門平水土民乃得而陸

處 後漢謝弼傳爵賞之設必酬庸勲 後漢章帝八

王傳仰恃明主垂拱受成 隋書揚州淮南郡注舊曰

豫州梁曰南豫州廬江郡注梁置南豫州宣城郡注舊

置南豫州淮南郡安豐縣注梁置陳留安豐二郡丹陽

郡江寧縣注梁置丹陽郡及南丹陽郡陳省南丹陽郡

宣城郡宣城縣注舊曰宛陵置宣城郡丹陽郡注自東

晉已後置宋曰揚州吳郡烏程縣注舊置吳興郡會稽
郡注梁置東揚州陳初省遂安郡雉山縣注舊置新安
郡信都郡新興縣注梁置新州新寧郡宋書州郡志晉
安帝始分淮北為北徐淮南猶為徐州後又以幽冀合
徐青并合充武帝永初二年加徐州為南徐而淮南北
曰徐文帝元嘉八年更以江北為南兖州江南為南徐
州治京口割揚州之晉陵兖州之九郡僑在江南者屬
焉故南徐州備有徐兖幽冀青并揚七州郡邑隋書荆
州九江郡注舊置江州揚州鄱陽郡鄱陽縣注舊置鄱
陽郡臨川郡臨川縣注舊置臨川郡漢齊懷王傳小
子閻受茲青社張宴曰王者以五色土為大社封四方
諸侯各以其方色土與之宜以白茅歸以立社燕世
家成王時召公為三公自陝以西召公奭主之自陝以
東周公旦主之左傳鄭武公莊公為平王卿士桓公
曰我周之東遷晉鄭馬依南史王瑒字子瑛梁元帝
時位太子中庶子陳武帝入輔以為司徒左長史漢

文帝紀與郡守為銅虎符竹使符應邵曰銅虎符第一至第五國家當發兵遣使者至郡合符符合乃聽受之竹使符者以竹箭五枚長五寸鐫刻篆書第一至第十管子禮義廉耻國之四維周禮天官冢宰以八柄詔王馭羣臣漢王莽傳鸞路乘馬戎路乘馬注師古曰鸞路路車之施鸞者也四馬曰乘戎路戎車也漢王莽傳衮冕衣裳句履注孟康曰今齋祀履舄頭飾也出履二寸漢丙吉傳吉曰三公調和陰陽文選潘勗魏公九錫文注軒縣諸侯樂也左傳隱公始用六佾同禮鞮鞮氏掌四夷之樂又象胥氏掌蠻夷閼貉戎狄之國漢王莽傳朱戶納陛注師古曰尊者不欲露而升陛故納之於雷下也文選注朱戶天子禮也史記蔡澤傳不出廊廟書光被四表文選注虎賁言其猛也皆百夫長堯典象恭滔天左傳無或如臧孫紇千國之紀漢王莽傳左建朱鉞右建金戚注師古曰鉞戚皆斧屬漢王莽傳彤弓矢盧弓矢注師古

曰彤赤色盧黑色旅音盧孝經夫孝天之經也地之義也祭義春雨露既濡君子履之必有休惕之心如將兄之詳封始興王詔漢王莽傳秬鬯二亩圭瓚二注師古曰秬鬯香酒也亩中尊也以圭為勺末書說命格于皇天

陳武帝下州郡璽書

詩天降喪亂晉佛圖澄傳劉載已死載從弟曜篡襲偽位後漢書獻帝興平二年三月李傕脅帝幸其營焚宮室郭汜李傕夫及御前明年正月改元建安晉書懷帝永嘉五年劉聰使呼延晏等陷洛陽遷帝於平陽遇害周本紀命南宮括史佚展九鼎寶玉周禮冬日至祀天於圓丘晉王濟傳設宿部分行有次第陳武帝紀永定元年冬十月乙亥皇帝即位於南郊柴燎告天先是氛霧雨雪晝夜晦冥至是日景氣清晏管

子威魄重輪六合俱照非日月能乎呂氏春秋水之美者有三危之露漢書太初歷晦朔弦望皆最密日月如合璧詳梁禪陳詔左傳鄭國多盜取人於萑蒲之澤書戎商必克

梁禪陳璽書

書萬邦黎獻共惟帝臣未詳按帝王世紀黃帝於東海流波山得奇獸狀如牛蒼身無角能走出入水則風雨目光如日月其音如雷黃帝殺之以其皮為鼓聞五百里神異經窮奇鋸牙鉤爪遇忠信之人則噬而食之魏畧侍中陳羣尚書桓階奏曰尺土一民皆非漢有佐助期漢以蒙孫亡說者以蒙孫漢二十四帝童蒙昏愚以弱亡高士傳舜以天下讓支伯支伯遂不知所之張衡東京賦高祖膺籙受圖左傳傳公二十五年秋秦晉邊陸渾之戎於伊川三傳晉伐驪戎注杜預曰驪戎在京兆新豐縣漢書中山王勝封曰

文王拘於牖里 張衡東京賦治致升平之德漢王莽傳策羣司曰赤焯頌平考聲以律 詩零露漙漙論衡

甘露味如蜜王者太平之應 左傳楚子革曰昔穆王欲肆其心周行天下皆將必有車轍馬迹焉 史記顓

項紀北至幽陵南至交趾西至流沙東至蟠木動靜之物小大之神莫不砥屬 後漢光武紀同舍生彊華奉

赤伏符至曰劉秀發兵捕不道魏志太祖武皇帝沛國譙人諱操字孟德初桓帝時有黃星見於楚宋之分遼

東殷馗善天文言後五十年當有真人起於梁沛之間至是而公始起 孝經援神契孔子海口含海劉峻辨

命論河目龜文公侯之相 屈原離騷攝提貞於孟陬注攝提星名隨斗柄以指十二辰者也正月為陬天官

書項羽拔鉅鹿枉矢西流天狼下有四星曰弧合識圖曰弧主司兵兵弩象也 淮南子本經訓夷羊在牧注

許慎曰夷羊王神商之將亡見於商郊牧野之地 孝經援神契德至淵泉則黃龍見 袁宏漢紀獻帝詔曰

炎精之數既終行運在乎曹氏通考自魏以後始有
九品之制以辨官位之高卑北魏以九品分正從梁分
十八班諸亭侯
十班詳九錫文

徐孝穆集箋注卷六備考

徐孝穆集箋注後跋

余讀史至魏晉而下未嘗不廢書三歎也南北朝凡九君皆假唐虞之名行篡竊之舉沿習成風遂成故事故有生生世世不願生帝王家者遂至禪詔出諸袖中朝比肩而暮北面其端肇於新莽而成於曹魏可鄙可痛莫斯為甚善乎石勒之言曰大丈夫當光明磊落無效曹孟德欺人孤寡以孤嫫取天下也顯令箋注徐庾兩家獨不及禪代諸製意在斯乎吾門徐子大文沈深嗜

古見徐庾箋注心焉慕之欲補其闕畧蓋以春秋之文
美惡同辭陳詩之義勸戒並設且一書之中而箋注家
偏有未備俾覽者終茫昧焉有難恕置也於是旁搜博
采以附卷末名曰備考而質之余余謂顯令維世之志
也足以立庶隅大文論世之志也足以鏡得失各自有
當耳昔梁簡文荅湘東王書云文章未墜必有英絕領
袖之者今以徐子之趣向而又能信好將來縱橫藝苑
馳騁志林豈曰孝穆才情僅嫻宮體而已哉刻既成因

書數言以報之笠水陳銳穎長氏識

